


GULPI' KHAICI

 Kong it uh Pasion, a thahat leh a vanglian Pasion, na khempeuh Ama' Kha vangliatna tawh a Bawlpa, leh a Tapa neihsun, Zeisu Khazih, a diklo tading a Dikpa, ko mawhneite' ading a mawkna in hong pia a, Pasion tawh kipawlkhopna lianpi ka ngahkik theih nadingun hong kilemkik sak, hih thupha Thu sungah kote hong hilhin, leitung kipiansak ma Amah tawh kipawlkhopna ka ngah thei uh a: "Zingsol aksite in la sakhawmin, Pasion tapate in lungdamna tawh awngin, leitung kipiansak ma-in a om uh hi." Tuuno a kigawh hun tawh kibang lo hi cih kote in bangci theih ka hi uh hiam; Pasion, Ama' vanglian ngaihsutna sungah, Zeisu tungtawnin ka hotkhiatna uh sungah lungdam kipakin kote hong mu cih bangci theih ka hi uh hiam?

² Tua ciangin, tu nitak, kote in Ama' nihvei Hongpaina ah a vanglian Pasion hong kilang ding hi cih ka thei kha uh hi. Natna leh dahna khempeuh tua ciangin hong bei ding hi. Ama' Minthang pumpi tawh a kibang kote in zong ka nei ding uh hi, ahangin Amah ahinna bangin kote in Amah ka mu ding uh hi. Hiah ka khutte uh vulin om a, ka samte uh kangin, ka liangkote uh kiasuk ta cih ka en uh hi, kote pen a si theite leh ka paikhiatna uh ahi, leivui lamah mitsuan in ka lute uh zong kunsuk ta cih ka thei uh hi. Ahizongin, Topa Pasion, Nang pen Pasion cih a kitel mah bangin, ni nunungte ah kote thokik ding cih Nong kamciamna thu, ka um uh hi.

³ Tu nitak Na Ompihna sungah ka upna uh tawh hangsan takin hong pai kawmin ka ding uh hi, banghang hiam cihleh Zeisu in kote tungah tua hong pia hi. A pha ka sepna uh hang hilo, ahangin a hoih ka hih uh bangmah om lo hi; ahizongin kiniamkhiat kawmin hong pai uh a, kote tungah hong kipia Ama' hehpihna hangin hih van manpha ka ngah uh hi cih pulak ung. Tua ahih manin, tu nitak Thu pan hong pai ding ngak kawmin thupha Nong piak ding kong ngen uh hi. Ahangin hi bangin kigelh hi, "Mihing in anlum bek tawh nungta lo-in, ahizongin Pasion' kam pan a pusuakkhia Thu peuhpeuh tawh a nungta ding hi." Pasion kam tu nitak hong paukhia ta hen. Kammalte hong paikhia hen la, ko a ngaite, ka lungtang uhah thuktakin Tua hong pai ta hen, tua ciangin Na Kha leh Na Ompihna tawh hong kidim sak ta in. Zeisu' Min tawh kong ngen uh hi. Amen.

⁴ Tuni leh zanni, zan nitak, hizaw, leh tuni, hih thu tawh kisai i gengen ta a, a masa ah, *Banghang Pawlmin Khat Ah Omlo I Hi Hiam* cih thu hi. Tua ciangin i khauh pian a, banghang pawlmin khat hilo i hi hiam, cihleh banghang pawlminte um lo i hi hiam cihte hi. Banghang hiam cihleh, LST sungah i mu a, tua pawlminte pen Pasion' seh hi ngeilo hi; dawimangpa' seh

hizaw hi; tua ciangin LST tawh hong lak hi. Tua banah tua pen, pawlmin te tungtawnin, khialhna hong puak hi. Tun hih thu a diksak dingin hih biakbuk ah i pai a, Pasion thupha piak Thu kimkot ah kilawmtatna tawh ahi hi. Tua, i lametnate pen pawlmin in a genna, ahkl mihing khatpeuh in a genna ah kilam lo a; Topa Pasion in a genna tungah kilam hi. Tua ciangin tua lampi bek ah eite kidiktang sak thei hi.

⁵ Tu zingsang, pawlmin pan hong pai thusun tuamtuam, nga khawng hi dingin ka um a, LST sungah a kigen hetlo, tua Protestant pawlpite pen hih thuhilhna ah kun hi cih ka sim kha a, upna laigil thuhilhna: Caltholic pawlpi thuhilh, a kizuaq nupinu pen mah, leh Protestant pawlpi sungah hong paikhia hi. Tua ciangin Pasion' Thu sungah a om khatpeuh tawh a kilehbulh thu ah i kun hi.

⁶ Pawlmin a kipawl pawlpi masa, Nicene pate' tangthu, Nicene pawlpi pan tu sun tua i en hi. Sawltakpite sihna ah, Nicene pate hong pai uh a, amau kum tampi zui uh hi. Kum zathum le sawmni-h-le-nga ah, a tawpna ah Nicaea ah, Piantit ah, amau Nicene council thu kikupna lianpi a neihna mun ahi hi. Tua ciangin tualai ah amau hih thuzuihnate tu-a Catholic pawlpi in a neih uh pen bawl uh a, tua pen Protestants tungah pia sawn suk uh hi.

⁷ Tua ciangin tu zingsang thuhilhna ah ka genna om mah bangin, "Tua pawlpi khanghunte khatciat, tua pan Thessalonica pawlpi khanghun ah, kum tul-le-zanga khuamial khanghunte ah, hun khat nangawn omlo a, ahizongin Amah in, 'Ka Min na kem lai hi' ci hi."

⁸ Tua ciangin hih a langlam ah, amaute pen Khazih sungah om nawnlo uh a, pawlmin bulphuhna sungah hong pai uh hi, "Catholic, Luther, Wesley, Baptist, Presbyterian, Pentecostal," cihte ah hi.

⁹ Ahizongin khanghun bei ma, Aman, "Na mai ah kong honsa in ka koih hi" ci hi. Mu hia? Tua ciangin tu-a i tenna khanghun pen tua hun hita dingin i um hi, kong-honsa khanghun, Laodicean pawlpi pan a nunung kikal ah.

¹⁰ Tua pen Laodicean council ah kum zathum leh sawmni-h-le-nga lian ahi hi. Tualai ah amaute in tui thehna, tui taakna, tua tuiphumna maanlote, kst maanlo, hih nadangte khempeuh zang uh hi. Amau tua zangsuk uh hi.

¹¹ Tua khit ciangin Luther, siampi khat hihna tawh, Catholic pawlpi panin hong paikhia a, hih nate hong pua hi. Tua ciangin tualai pan Zwingli hong paikhia a, Zwingli panin Calvin, Calvin pan Wesley hong paikhia a, oh, hong paisuksuk hi. Tua banah amaute in hih thu zuihnate hong len suksuk uh hi. Tua ciangin amaute in Aman amaute a makaih ngeilohna ah, tua lampite ah a zuih uh ciangin, Pasion in Ama' Pawlpi bangci bangin makaih thei ding hiam?

¹² Tua ciangin phawk un, Kilaakna 17 ah, “numei” i mu hi. Tun hih kammalte pen kitel hi. Tuatē pen LST sungah kigelh a, tua ahih manin tuatē ka gen thei dingin ka um hi. Hih numei pen “numei kizuak” khat ci-in hong gen hi. Tua in numeinu pen a zawngkhal numei khat cihna hi; numeinu in pasal khat tawh a kiteng ding hi a, leitung tawh angkawmna bawl ding ahi hi. Tua ciangin tua nu in. . . Tua nu pen “NUMEI KIZUAKTE’ TUNNU,” hi a tua ahih manin amah in tanute nei hi. Tua ciangin a gamlim paizia i kai khinzo a, tua lai ah. . . Tualai ah, keimahmah, LST sungah ka muh thu, tua nu upna laigilte leh nate khempeuh, Topa in hiah kician takin hong koih hi cih ka um a, tua pen Catholic pawlpi cihloh a dang hi theilo hi. Tua lampi bek hi thei hi. Tua numei in bang piangkha sak hiam? Protestant pawlpite. Hi lua, tua nu.

¹³ Tua banah numei in a khut sungah a angkawmna lenggahtui hai khat tawi a, tua ciangin numei in leitung kumpite tungah tua pia hi. Tua ciangin numeinu in leitung buppi uk a, kha thu ah. Tua banah tua bang hi linlian hi. A dang om nawnlo. . .

¹⁴ En in, Daniel leh limlehel ah paikik ni. Limlehel en in: Kham lutang, Babylonian kumpigam; sumngo. . . ahkl ngun, Medes-o-Persia; sumngo, Alexander the Great, cihte hi, Grecian kumpigam; tua khit teh Roman empires, Eastern leh Western Rome, a khe nihte.

¹⁵ Tua ciangin hih kumpigam sawmte ah, tua kii sawmte tawh hong paina thu tu zingsang i gen hi, tua kumpigam sawmte khatciat pen hong khangto a, sik leh buan kigawm hi. Tua ciangin a khete pan sik hong pai a, tua in Rome hi. Tua ciangin Van nuai ah minam khempeuh sungah Romanism kigawm om a, Catholic pawlpi tungtawnin hi. Tua bang hi lian hi. Amau kigawm lo uh hi.

¹⁶ Tua ciangin amaute khatlekhat, kuamah kideidan lo-in kiteng uh hi. LST in amaute ci hi. Tuni amaute en un. Na tangvalpa in Catholic nungak khat tawh tonkhawm hi; amau a kiten uh ciangin Catholic tate khansuah dingin kiciam kul uh hi; mu hia, tuatē pawl hi. Mu hia, a dang khat ii vangliatna sukkhap ding hi.

¹⁷ Ahizongin tua bang hiam? LST tua buppi pen numei kizuak hi ci hi. Tun bang hih ding na hi hiam? Tua hi. Mite’ mawhnate bangci kihawh ding hiam. . . Thuhilhikikna ah i paikik a, zawlta khat, zawlta naupang khat hong lak a, tua pen kum sawmleli sung Topa mipite kikhopna ah lut theilo ci hi. Tua pen thukham nuai ah hi. Khazih in thukham pahtawi hi. Tun bangzah a hizaw diam?

¹⁸ Hihte ah bang piang hiam, lampi ah tuni mite bangci om uh hiam, kisia cip ta uh hi, hih cigarette zatep numeite, pheituam tom mahmah a tengte, a sam uh a zial tomte, cihte pawl? Bangci om hiam? Tua pen a nu gamtat bangin a gamta uh ahi hi. Khang

khat pan khang khat ah, siatna, hong hawhna ahi hi. Tua bang hi. En bang nei? Mun khat i nei a, kilomziala pumkhat suahna hi a tua pen mawhna nin hi.

¹⁹ Tua thu hangin Pasion in Russia khangsak a, atomic bomb tawh tua nu vatmai ding leh, tanglai tuiciin dan in, Amah in meiiite khangsak hi. Hilua, Aman hih hi. LST in ci hi. Russia, pasian neilo gam khat hi uh a, Pasion a um lo gam, Thahatpen Pasion khut pen kimawlna danin a zang taktak uh ahi hi. Kumpi Nebuchadnezzar in Israel a suksiat bangin banghang hiam cihleh amaute in Pasion tawh tonkhawm lo uh hi, tua mah bangin Russia zong hong khangto a “misiangte phu la” dingin, Catholic pawlpi pan, tua nu in misiangte tungah sisan luanna a neihna hang ahi hi. LST in ci hi. Tua in a buppi hong la ding hi.

²⁰ Tua ahih manin hiah en in, a nu un amah dan nungak khat nei a hih leh, a pi uh, a nu uh pen tua mah bangin gamta ding hi, tuni amah koici om hiam? Rock-and-roll bangin gamta hi. A tate bangci pian ding uh hiam?

Nang in, “Pasion in tua hih maw?” na ci hi. Hihi, sia.

²¹ Pasion in tate’ mawhna, khang mite, khang sawm-le-li dong ah hawh hi. Tua ciangin Khazih in tua thupi sak ahih leh, eite in, “Khang za khat, ahkl khang zanga” i ci ding hi. Banghang, Amah in, “Thuciam Lui ah, a kigen na zaksa uh a om mah bangin, ‘Mi na that kei ding hi,’ ci hi. Ken kong cih inah, ‘No, a sanggampa tungah a hehpa, a hang omlopi, tual that khin hita hi.’ Hun luite sungah, amaute gen na za khin uh a, ‘Ang na kawm kei ding hi.’ Ahizongin ken kong cih inah mi khat in numei khat a lungsim ah iplahna tawh a et leh, tua mi angkawm khinzo hi.” Aman hong ci hi. . . Tua *thupi bawl* i cih bang hiam? “A zah tampi a liansakzaw cihna hi.” Tua ciangin thukham nuai-ah khang sawmleli ahih leh, tuni in bangtan hi mawk ding hiam?

²² Tua ciangin khangno pasalte, khanglaite, leh nupi papite in a kitenna uh ah zahtakna nei nawnlo uh hi. Banghang, tua mite in numeite tawh omkhawm ziau lel uh a, ui tawh kibang uh hi. Ui khat in mi kimkhat sangin gamtatzia leh zahtak baangzaw hi. Tua bel kauh pian cih thei ing, ahizongin thudik hi.

²³ Banghang? Pawlpite tua bangin pai lel uh a, bangmah gen se lo uh hi. Banghang? Amaute in a nu omzia bangin gamta uh hi. Pawlpite in tua luahsuk uh hi. Banghang hiam cihleh, pawlpi leh hih Protestant pawlpi pen Catholic pawlpi pan hong pai hi a, Catholic pawlpi’ mawhnate pen Protestant-te tungah hawh hi. Hilua, tua hi, tua ahih manin beel in niangbeel kiangah “nin” ci theilo hi. Tua lian hi.

²⁴ Tun i mukhia a, LST sungah i muh om a. . . Tua ciangin tu nitak hiah sabuai tungah ciaptehna lai khat ka mu naikei hi. Ken, “Pasion in pawlmin khat a sehkholna thu mun khatpeuh ah a om leh hong lak in. Pasion in pawlpi kem numei khat a sehna mun khat kei hong lak dih in. Pasion in tuittehna mun

khat kei hong lak in. Pasion in a tui taakna mun khat hong lak in. Pasion in tua bangin mi khatpeuh 'Pa, Tapa, KST' min tawh a tuiphumna munkhat hong lak in. Tua nate zong in." Tua ciangin eite in tuate i sem hi. Pawlpi ah om hi.

²⁵ Tun, ken note tungah kong gen inah, "Lampi, ahkl, Baptist thu tawh kisai, banghang hiam icih leh amaute in Topa Zeisu Min suangin sem uh hi. LST sungah tui thehna leh tua dan khatpeuh om ngeilo hi. Mi khat in, 'Pa, Tapa, KST' min tawh a tuiphumna mun ah en lehang, Ken kong ci ding hi, kei pen kamsang zuau khat ka hi hi."

²⁶ "Tua ciangin LST in nah nang pen 'Zeisu Khazih Min tawh na hih kul hi,' hong ci hileh, tua pen na hih pelmawh ding thu hi. Paul in amaute tungah tui kiphum dingin thupia hi. Amau bangci om uh hiam cih thupi lo hi, Topa min tawh a kituiphum kul uh hi. Amaute in Tuiphumpa John in ahieh bangin; Zeisu Khazih umin tuiphum uh hi. Aman, 'Tua in bangmah hilo hi. Hong pai unla kituiphumkik un.' Tua ciangin amaute in KST a ngah ma-un ahieh uh kul hi. Tua pen Pasion' geelna hi."

²⁷ Tua sangin a thukzaw in ka pai kha ding hi. Banghang? Zeisu in A Kammal kem hi. Na um hiam? Tun, tu zingsang note khempueh hiah na om uh hi, ahizongin tua tungah thu khat gen nuam lai ing.

²⁸ Banghang Paul in tua bang dingin sawl. . . hiam? Paul in, "Vantung pan Vanmi khat nangawn hong pai-in khatpeuh hong gen leh, kihamsiat ta hen."

²⁹ Tun nang in, "Khuavak thak khat i ngah hi." Hilo, na ngah kei hi. Tua pen Eve kiangah dawimangpa in Khuavak thak tawh hong paina hi. Khuavak thak na kisam kei hi. Pasion in hiah a koihsa Khuavak sungah na pai ding kisam hi, tua hi.

³⁰ Tun hih thu en un, kician lua hi. Mel Kikhelna Mual pan amau hong kumsuk uh ciangin, Zeisu in, Ama' nungzuite kiangah, "Mite in mihing Tapa Kei kua hong ci uh hiam?"

"Khat in Nang pen 'Moses, ahkl Elijah, kamsang khatpeuh.'"

Aman dong a, "No ee leh?"

³¹ Aman ci hi, Peter in zong, "Nang pen a nungta Pasion Tapa, Khazih na hi hi."

³² Aman, "Jonas tapa, Simon aw, thuphangah na hi hi; ahingin hih in cilesa in nang tungah hong lak hilo hi." Mu hia, tua pen mun khatpeuh thusinna pan hong pai lo hi. Tua pen pawlminte pan hong pailo hi. "Hih in cilesa in nangma tungah hong lak lo hi. Sang khatpeuh pan na sin ngeikei hi. Ahizongin Ka Pa, Vantung a om in hih thu nangma tungah hong lak hi. Hih suangpi tungah Ka Pawlpi Ka lam ding a; hell kongkhakte in zong a zozo kei ding hi," Amah Kua hiam cih khalam kilaakna khat hi.

³³ Ciamteh un, "Nang pen Peter na hi hi. Kumpigam tawhtange nang tungah Kong ap ding hi. Leitung ah na phel

bangbang, Vantung ah zong kiphel ding hi; leitung ah na hen bangbang, Vantung ah kihen ding hi.” Tun, Aman a Kammal a zuih kul hi tua hi kei leh Pasian hilo hi. Tun, Aman tua bangin hong hih ciangin, ni tawm khat khit teh, Amah kikhailum a, thokikin, Vantung ah kahto hi, tua ciangin Peter in Pentecost Ni in Lungdamna Thu hongkhia hi. Aman ahih hia? He, hilua, hih hi. Tun en un, aman inah. . .

³⁴ Amaute in amau zahko bawl uh a, banghang hiam cihleh amaute pen Kha tawh kidim uh hi. Amaute pen “uanglua, kisiangthosak luate,” ci uh a, tua bang danin sam uh hi. Tua ciangin amau nuihsan uh a, hi bangin ci uh hi, “Hihte pen lenggahtui thak kham uh hi.”

³⁵ Tua laitak amaute lakah Peter hong dingto a, a aw sangsak in, hi bangin ci hi, “Sanggamte aw, ka aw ngai un. Ka kammalte hong ngai un. Hih mite pen note ngaihsut bangin zukham hilo uh hi; hih in zingsang nai thum pawl hi. Ahizongin hih in kamsang Joel in a gen thu hi a, ‘Ni nunungte ah tua hong tung ding a, Ka Kha mikim tungah Ka sungkhia ding hi,’ tua ciangin Aman A tate tungah hih ding a, Ama’ tanute leh tapate, a nasemte tungah hong sungkhia ding hi.”

³⁶ Tua ciangin amaute in hih thu a zak uh ciangin, a lungsim uh ki-at hi. Ahangin, amaute in ama’ ABC’ nangawn a theilo pa ci in za uh hi, ahihhang amaute in amah ciamteh uh a, ama’ sungah Banghiam khat om hi, tua in amah kuangsak a, tua in KST hi. Amah a khawlsak hiam? Banghang, tua in innpi kangtum sak ding a, tua bangin piang ding hi. Na hih theikei hi. Amah pen KST tawh kidim hi. Tua ciangin aman tun bang hih hiam?

³⁷ Amaute in, “Sanggamte aw, bangci kihonkhia ding ka hi uh hiam?”

³⁸ Tun en un, Peter, nang in Kumpigam tawhtangte na kem hi. Mu hia?

³⁹ Tun, Zeisu pen a ni thum ni hong thawhkik ciangin, Aman Vantung Kumpigam tawhtangte neilo hi. Na thei uh hia? Aman, “Sihna leh hell tawhtangte ka nei hi,” ahizongin Kumpigam hilo, banghang hiam cihleh tuate pen Peter tungah kipia khinzo hi.

⁴⁰ Tun Aman, “Peter leitung ah na phel bangbang, Vantung ah ka phel ding hi. Leitung ah na hen bangbang, Vantung ah ka hen ding hi.”

⁴¹ Tun hiah amah pen tawhtangte tawh om a, hih leitung ah a hongkhia ding hita hi. Tua ciangin a khut sungah tawhtangte nei hi. Tua ciangin amaute in dong uh a, “Ka kihotkhiat nadingun bang hih ding ka hi uh hiam?” Tun, sawltakpa thugen phamawh kei, Pasian in Vantung ah ciaptteh sak ding a, Aman thuneihna piak nak leh.

⁴² Tun Peter in, “Kisikkik unla, note khempeuh, na mawhna uh hong kimaisak manin Zeisu Khazih Min tawh sem un, tua

hileh KST letsong na ngah ding uh hi.” Ahi hia? Tua thu hangin Vantung ah tawhtangte pen min dang khatpeuh, lampi dang khatpeuh, a dang khatpeuh—lim khatpeuh ah kihei hi. Tua pen leitung ah kihei hi, Vantung ah kihei hi, ahkl Zeisu in Ama' Kammal Peter tungah kem lo hi. LST sungah amaute in Zeisu Khazih Min tawh ahihna bangkim ah sem uh hi cih pen kimu thei hi. Tua ciangin tua ma a kituiphumte, KST a ngah nadingun, Zeisu Khazih Min tawh hong pai in ahikkik kul uh hi. Tua pen dik hi. Tua pen kibang lai hi.

⁴³ Tua ahih manin, eite in “Pa, Tapa, KST” min tawh tuiphum nading thuhilhna i neih leh, tua in kamsanna zuau hi ding hi. Tu-in note kong na sak nuam kei hi, ahizongin hih thu pawlpi ah ka thei sak nuam hi. Eite pen hiah a hai gamtatte i hi kei hi; Pasion' Thu ah i dinkip lamtak i thei hi. Mu hia, i thei hi. Mi khatpeuh in “Pa, Tapa, KST” min tawh a kituiphum na mun nong lak nadingun kong to hi. Tun Thutak ahkl kamsanna zuau na ngai ding uh hiam? Pasion' Laibupi sungah zong un. Nomau thu hi.

⁴⁴ LST sungah mi khatpeuh a om ngei hiam, pawlpi khatpeuh pen pawlmin dingin a kishna LST sungah a om hiam hong lak in. Amaute in thuhilhna numei a zang ngei uh hiam LST sungah hong lak in. Hihte khempueh omna, tua i gengen tawh kisai, LST sungah a kish a om ngei hiam hong lak in. Tualai ah om lo hi. Mun khat kei hong gen in. Pawlmin khat ah na pai hi. . .

⁴⁵ Ee, Methodist-te hong khang a, amaute in sianthona thu hilh uh hi. Tua hoih hi. Ahizongin, amau tua ahih uh ciangin, amau pawlmin khat bawl uh a, tua tawh om uh hi. Tua thu hangin LST in, “Min khat na nei hi” ci hi.

Nang in, “Kei pen Christian khat ka hi.”

“Bang pawlmin ah na om hiam?”

⁴⁶ Nang in, “Methodist khat,” banghang, nang pen numei kizuak khat na hi hi. “Kei zong Baptist khat ka hi a,” numei kizuak. “Pentecostal khat,” nang pen numei kizuak khat na hi hi. Nang pen tua pawlpi neihsa na hi hi.

⁴⁷ Khazih neihsa na hih ding kisam hi. “Methodist,” “Baptist” kicik ding hilo hi. Nang pen Christian khat na hih leh, na lungtang ah Christian khat na hi hi.

⁴⁸ Tua pawlmin te khatciat in tate piangsak thei uh a, Pasion' tate, tua hi. Ahi zongin nang pen Methodist khat ahkl Baptist khat na hih manin Vantung tung ding cih na ngaihsut ciangin, na khial hi. Tua thu hangin eite tua pan i paikhia hi.

Banghang Baptist-te in mu theilo?

⁴⁹ Hiah laigelh khat, Methodist pasal khat, a sawt nailo lai-in ka dong hi. Aman, “Nang kong langpan uh bel, Pentecostal-te tawh na kithuah hi.”

Ken zong, “Kua hiam ‘ko’?”

“Ko, Methodist-te” ci hi.

50 Ken zong, “Ka hih ding kong gen ding hi. Na khuapi ah hong pai ding hileng Methodist-te in hong huh ding uh hi.”

“Oh,” hong ci a, “hi lua, ka hih zo kei ding uh hi.”

51 Ken zong, “Tua pen hi ei ka ngaihsut. Pentecostal tawh ka omkhawm mah hi banghang hiam cihleh Pentecostal in tua um hi. Tua hi. Amaute in tua kimkot ah tukhawm uh hi. Amaute in tua panin phattuamnate a late ahi uh hi.”

52 Note lak ah mi bangzah in *Life* magazine, tu nai ah, Pentecostal pawlpi tawh kisai na sim uh hiam? Hih khanghun ah a nasiapente lakpan khat hi. Pawlpi dangte khempueh sangin kum khat in a kikhel mi tamzaw mawk uh hi. Banghang? A khialhnate nangawn ah, Pasian in amaute makaih hi, banghang hiam cihleh amaute in Thutak um uh a, Tua tawh mainawt uh hi. Tua pen Thutak hi.

53 Ahizongin eite in tun bang hih i hi hiam? I mu hia? Tua thu hangin eite pen pawlmin i hi kei hi. Pentecostal bel ahieh leh kipawl gawp uh hi. . .

54 Tua ciangin tualai ah, KST in Pentecostal pawlpi ah kum sawmli lai, hong tun cil in, amaute in kamtuam pau uh a, kha letsongte khat ngah uh hi. Tua pen letsongte lakpan a neupen hi. Paul in a genna ah, letsong a neupen in, kamtuam pauna ci hi. Tua hong tun phetin, “Oh,” amaute in, “eite in tun Tua i ngah hi,” ci uh a, tua ciangin amaute in pawlmin khat bawl uh hi, General Council, tua pen tun Assemblies of God hita hi. “Oh, kuamah in kamtuam na pau kei leh Tua ngah cilo uh hi,” tua ciangin Pasian in amaute kiangpan paikhia a, tualai ah amaute tu sak lel hi. Hilua. Hihi, sia.

55 Oneness upna hong tung leuleu a, Zeisu’ Min in tuiphumna hong mu uh hi. Amaute in, “Oh, Tua i ngah hi,” ci uh a kipawl uh hi. Amau bang hih uh hiam? Pasian in tualai nusia leuleu a amaute bek tualai ah kinusia hi.

Tua pen, “A ut peuhpeuh, hong pai ta hen.”

56 Mu hia, Oneness in Assemblies kiangah pai zolo hi. Assemblies zong Oneness ah pai zolo hi. Tua mite lak pan a thupipen pawlkhat tawh ka kiho a, Mr. Goss, leh Dr. Pope leh mi tampi hi. Amaute pen mi thupite hi uh a. . . Amaute tawh ka tukhawm hi. Ken, “A pil khat hihna tawh, tua a cil a teci lahna pen bangci hilh thei na hi uh hiam?”

57 “Ee,” hong ci a, “Siapa Branham aw,” khat, nih ahkl thum, tua pen takpi hi, tua ciangin, “tua pen khial cih i thei a, ahizongin bang hih thei mawk ding? Tun tua tawh kisai khatpeuh i gen leh, banghang, tua in a vekpi hong nawngkai sak ding hi.” Hilua, nang pen bishop na thei nawn kei ding hi, ahkl general overseer. Tua pen ngaihsutna hi.

58 Sanggam aw, a kiu ah mission no khat ka nei ding a, ahkl nisuh kung nuai ah thugen ding, tua ciangin Thutak ka nei zaw ding hi, hilua, Thutak na genlam ka thei hi. Mihing in Thutak deih hi. Nang pen, Christian khat na hi a, Thutak ciaptehna na piangkha sak hi. Pasion in tua a len dingin nang hong zang ding hi.

59 Tua leh, hih nate tungah, Zeisu Khazih Min tawh na kituiphum kei leh, nang in hih nate na sem nai kei a, KST na ngah nai kei hi . . .

60 Nang in, "Oh, kamtuam ka pau hi." Tua in KST ngah cihna hilo hi.

61 Ken zong dawisiamte, aitawite, dawite, leh tuate ka mu a, kamtuam pau uh hi. Hilua. Amaute in KST ngah lo uh hi, na thei hi. Mihing' luguh pan sisan dawn uh a, lam in, dawu sam uh a, pau lamdang pau uh hi. Hilua. Amaute in KST ngah lo uh hi.

62 Tua ahih manin, banghang hiam cihleh kamtuampaute tawh na pau a, tua in Hih ngah cihna hilo hi. Tua na ngah pen lampi khat bek om a, na kha in Ama' Kha a gah khat ciang hi, Kha' gah in nang hong zui hi: itna, upna, lungdamna, lungnopna, thuakzawhna, hoihna, lungduaina, migitna. Tua pen KST na ngah hun ciang hong piang ahi hi. Tua in Amahmah ciamteh hi.

63 Tun, tua tungah na tawlngak sawm ciangin, banghang hiam cihleh, nang pen Assemblies, ahkl Baptist ah, ahkl Presbyterian ah, na nasep na mu hia? Numei kizuak min khat na zang hi. Tua lian hi. Tua na pan paikhia in. Tua panin hong paikhia in. Na pawlpi pan ahkl na khatpeuh pan a ci nuam ka hi kei hi; na ut dan tawh kisai na hih hi. Ahizongin "Oh, kei pen Presbyterian ka hi. A lamdang hunte ka um kei hi," cihna pan hong paikhia in. Bang hang in um lo na hi hiam? LST in hong hilh hi. "Oh, Khazih Pawlpi ka hi. Amau a lamdang hunte beita hi hong ci uh hi." Amaute pen kamsang zuaute hi.

64 Zeisu Khazih in Pawlpi tungah Vangliatna a piakna mun kong lak thei ding hi, tua ciangin misi thokik a, dawite hawlkhia hi. Mi khatpeuh in LST sungah Aman Pawlpi panin tua a lakkhatna mun hong lak in, kong to hi. Tua bang kilakhia hiam? Na upna neih, hihi, Pasion' Thu hilo hi. KST in nasep zo sianglai a, kibang lai hi, tua ciangin Aman hih suak ding hi.

65 Tua thu hangin pawlmin khat i hi kei hi, "Pasion mina lim nei napi, a Vangliatna a nialte; tua pan paikhia in." Tua bang i um kei hi.

66 Tun, tua pen bangci kipat hiam? Tun manlangin i pai mengmeng ding a, tua bangci kipat hiam cih en ding hi hang. Tun LST hiah i gelhkhiat KST tawh kisai mun tampi om hi.

67 Tua ciangin a dang khat, zan nitak tona khat i bawl a, "misiangte' bitna thu," Baptist-te in a updan lampi uh tawh hilo hi. Hilo, sia. Baptist-te leh a ngaihsutna uh leh, Calvin upna

kikal kilamdanna ka mu hi. Presbyterian-te sandan tawh ka kibang kei hi. Methodist-te in Arminiam upna a zuihna uh tawh ka kibang kei hi. Hihi, sia. Ahizongin a nih un thutak nei uh a, ahizongin Thutak ahihna mun *Hiah* na paipih kul hi. Tualai na tai khiat ciangin, tua tawh na zulh tai hi. Hilua.

⁶⁸ Baptist-te hong pai a, hiah nupa khat tuiphum a, phumsuk hi; tua ciangin thuhilhia in amaute, cigarette zatep mi lakpan kua tuiphum a, paikik uh a, tualai ding in, phe kimawlkik uh, zan tawntung a utut un gamta uh a, sumlepai bawl na nei uh hi; tua ciangin numei khempeuh in hiah pheituam tomte tengin, lampi dung ah tai uh a, a samte uh tom takin metin kil sak uh a, zatep in kiho uh a, tua bangin nungta in, a kihhuai ciamnuhte gen uh hi. Tua pen Christian upna na ci dia? Tua ciangin Tawntung bitna ngah cih na ngaihsun hia? Tua bangin hell na pai ding hi. Vantung ah gamtatdan khatpeuh tawh nanglenang na lungdam lo ding hi. Hi lo lua hi. Tua pen Tawntung bitna hilo hi.

Ahizongin mi khat pen KST pan a suahkik ciangin . . .

⁶⁹ Tua ciangin no Pentecostal, banghang hiam cihleh na diangsuk diangto uh a, pau lamdangte pau in, biakinn sungah taisuk taito in na om uh a, tua in Tawntung bitna ngahna cih bang hilo hi. Na lutang sungah tua bang om ngei kei un. Hilo hi, sia. Hilo lua hi. Banghang hiam cihleh, na nuntakna mahmah uh, ciamteh hi, nang pen Pasion tawh dik lo na hi hi. Hi hi. Na dik kei hi. Tua in Tawntung bitna hi nailo hi.

⁷⁰ Ahizongin thukhat kong dong nuam hi. Tawntung bitna a om hiam? LST in ci hi. LST in i minte pen leitung kipian sak ma-in Tuuno' Nuntakna Laibu sungah om ci hi.

⁷¹ Tu zingsang ka gensa om bangin, tun ka genkik hi. Hih la a gelhpa, "Tu nitak Minthanna ah a kigelh min thak khat om a, tua in kei' a hi," ama' ngaihsutna pen lem lel hi, ahizongin amah khial hi, LST bangin. Na min pen hotkhiat na ngah nitak kikoih hilo hi.

⁷² Na min, LST a om bangin, Kilaakna 13, 17, cihte pawl ah a om bangin, "leitung kipian sak ma in kikhum khin a; tua ciangin leitung a pian ma-in Zeisu Khazih kigo ci hi."

⁷³ Bangci bangin Pasion, a kiciangtan lo Pa, bangci bangin a kiciangtan lo Pasion, a kipatna pan a tawp dong a thei, bangci bangin leitung ah mawhna hong lut ding Aman phal ding a, a hang om kei maw leh?

⁷⁴ Tua pen i gensa pawlkhat a zomkik i hi lel hi. A masa pen, Honpa maw mawhnei khat? [Mi khat in, "Honpa."—Ed.] Honpa, hilua. Honpa khat ahkl mawhnei khat, koi pen vanglianzaw ding? Honpa khat in mawhna puakhia thei ahih leh, Amah pen vanglianzaw hi. Banghang Aman mawhna piangsak mawk ahi hiam? Amah pen Honpa khat ahi hi. Hong damsakpa khat ahkl natna khat, koi vanglianzaw hiam? Hong damsakpa khat. Tua leh, banghang Aman natna hong paisak ahi hiam? Mawhna hang

hi a, Amah pen damsakpa khat hi. Tun nuamsa ing. Hihi, sia. Oh, kalai! Tua pen Ama' piankente hi.

⁷⁵ Tua thu hangin Aman buaina hong pai ding phal hi. Tua thu hangin Aman dahna hong paisak a, tua in Amah pen lungdamna cih hong mu sak hi. Hilua, hi hi. Tua thu hangin zan khat i ngah a, sun khat om hi cih zong i mu hi. Tua manin hehna i nei a, daihna zong om hi. Hilua, a hoih leh hoihlo om hi. Oh, Amah pen lamdang hi.

⁷⁶ Tun, bangci kipan hiam? Manlang theithe i in i pai ding a, tua ahih manin zan tawntung sawt lo ding hi hang. Tun, na khempuhte' kipatna khat a om kul hi.

⁷⁷ Thu khat kong dong nuam hi. Tun hih pen. . . Hih thu in na ip sungah hong phul kha ding hi. Hih thu pen na an nek zel tawh na gawm kul lo hi. Ahizongin ngai in.

⁷⁸ Nang pen Tawntung piansakna khat na hih leh, kipatna khat na nei ngeikei a, ahkl tawpna nei thei ngeilo hi. Ahangin, *Tawntung* cih pen "kipatna ahkl tawpna omlo" cih kammal pan hong pai hi.

⁷⁹ Phawk lo na hi hiam? Tu zingsang, ka gen, tua Melchizedek pen, kumpite a dona panin hong ciah Abraham na dawntuah hi. Tua ciangin LST in, Hebrews 7 ah, tua—tua, "Levi in Melchizedek tungah, a pa Abraham' sungah a omlai in sawm-ah-khat a pia hi." Abraham in Isaac nei hi; Isaac in Jacob nei hi; Jacob in Levi nei hi. Tua pen pa, pu, pu-sawnsawn hi. Tua ciangin Levi pen a pu-sawnsawn ii sungah a omlai-in, LST in hong gen mah bangin Melchizedek tungah sawm-ah-khat a pia hi ci hi. Tawntung tawh kisai gen hi! Ka, kalai! Aman cikmah hunin, "Amah in a liim sungah hih hi; aman tua hih thei hi" ci ngeilo hi. LST in, "Amah in sawm-ah-khat pia hi." Amen.

⁸⁰ Tua khit teh, khaici maan tawnin i pai leh, Paul in Lungdamna Thu a gen lai-in kei zong tualai ah ka om a, nang zong na om hi. Tua sung i lut ding a, minute khat khawng, i bilte ah ging sak ni. Ciamteh un, tua pen Pasion' Laibu in a gen hi a, eite tungah, paikik ding hi.

⁸¹ Ngaihsun lel in! Levi; tua khit teh Jacob, a pa; tua khit teh Isaac, a pa; tua khit teh Abraham, a pa; a pu-sawn. Levi pen ama' pu-sawnsawn sungah a omlai-in, aman Melchizedek tungah sawm-ah-khat pia hi.

⁸² Kong dong nuam hi. Hih kua hiam, Job 27 . . . 38, Amah in, "Leitung ka bawl lai-in koi ah om na hi hiam? Zingsol aksite in la a sakkhop uh ciangin, Pasion' tapate in lungdam in a kiko laitak?" Pasion' tapate in lungdamin a kiko laitak tuate kuate hiam? Zeisu in amaute kiangah gen a, tua, "Leitung kipian sak ma-in note tawh lungdamna ka nei hi." Eite pen hun pan a piansaknate hilo hi. Eite pen Tawntung tawh kizom hi hang.

83 “Ka Pa in a sap loh mi peuhmah, Kei kiangah kuamah hong pai theilo hi. Tua ciangin Kei kiangah hong paite khempeuh, Nuntak Tawntungna ka pia ding a, ni tawp ni ciangin ka thokik sak ding hi. Ka Pa in kei tungah hong piak mite, ka Pa’ khut sung pan kuamah in a lakhia zo kei hi.” Bangci sup mawc ding na hiam?

84 Mu hia, na lau hi. Na kihta hi. Na tai kawikawi ding hi. Tua banah teci lahnate lakpan khat in, leitung ah, koi mah ah na tung ngei naikei hi. Tua hi. Pasion in nang pen bangci hong honkhia hiam. . .

85 Hih pawlpi ah na khutte lamto in, Pasion pen mong neilo hi cih mi bangzah in um hiam? Nang in *mong neilo* kammal deihna na thei hiam? Tua pen kicing hi. *Mong neilo*, mong neilo kammal pen na hilhcian theikei hi.

86 Na camera la in mong neilo ah na koih ngei dia? Banghang, tua hun a kipan cihna hilel hi. Hoih ei. Tua pen et gige nading lampi om nawnlo hi.

87 Ee, tua pen Pasion hihna hi. Amah pen mong neilo hi. Tua leh Amah pen mong neilo ahih leh, sialkhum khat, tho khat, hik khat, lungno khat, ahkl leitung ah bangmah om ngeilo a, ahkl om ngeilo ding a, ahizongin Pasion in leitung a kipian sak ma-in thei hi. Mong neilo tawh kisai ngaihsutna pawlkhat om hi.

88 Tua, mong neilo Pasion in nang hong honkhia ahih leh, maikal ah Aman nang hong mansuah ding cih thei ahih leh, ahkl mai kha, ahkl mai kum, banghang, Amah in ngimna thei hi. Amah in nang hong mansuah theilo hi. “Ka Thute za a, kei hong sawl Pa a um mi, Nuntak tawntungna nei a Thukhenna tawh kipel-in, sihna pan Nuntakna ah a kantan zo hi.” Tua hi theilo hi. Na hi nawn kei hi. . .

89 “Pasion’ pana piang mi in mawhna a bawl kei hi; ahangin Pasion’ cii ama’ sungah om a, amah a mawh thei kei hi.” Ama’ ading mawhna-thoihna a om ciangin amah bangci mawh thei ding hiam?

90 Ka cidam sinsen laitak bangci bangin cina hi thei ding ka hiam? Ka muhtheih laitak bangci bangin mittaw thei ding ka hi hiam? Oh, kalai! Bangci bangin inn sung leh inn pua ah omkhawm thei ding ka hi hiam? Bangci bangin zukham leh pilvang in omkhawm thei ding ka hi hiam? Na hi thei kei hi.

91 Nang hong kihot ciangin, Thoihdamna nuai-ah na om a, na mawhnate nangma tungah hong kiciamteh nawnlo hi. David in, “Pasion in a mawhna a ciapteh nawn lo mipa, thuphangah ahi hi” ci in gen hilo hiam? Pasion in Ama’ piansakna langpanin mawhna len lo hi. Tua khauh hi. Tua pen nawizu hilo hi. Ahizongin LST hi. Pasion in midik tungah mawhna ciamteh nawnlo ding hi.

92 “Pasian,” Ama’ hehpihna tawh, teelkholsa tungtawnin, “a kisia ding kuamah phallo a, ahizongin a vekpi in kisikkikna ah hong pai ding uh hi.” Ahizongin a kiciangtan lo hihna, leh kua hong pai in kua pailo ding hiam cih, Aman na khempeuh Ama’ deihna ah a sem dingin sehkhoh thei hi. Aman tua bangin hih theilo hileh, banghang Aman mawhna phal masa hiam? Amah pen Honpa khat ahih ciangin. . . Mawhnei khat om ngeikei leh, amah pen Honpa khat hi ngeilo ding hi; pianken, Ama sungah a om pen, kilakhia theilo hi.

93 Amah pen bangci bangin hong damsakpa khat suak thei ding hiam? Amah pen bangci bangin hong damsakpa khat suak thei ding hiam? Banghang hiam cihleh Aman natna hong lut ding phal hi, tua hileh Amahlema pen a damsakpa khat cih hong lak thei ding hi. Amah pen hong damsakpa khat hi. Nang pen bangci bangin. . . Amah pen bangci bangin kithei hiam? Ama’ pianken in bangci bangin nasem thei hiam? Amah pen bangci bangin damsakpa khat hi thei hiam, natna om kei mawk leh? Aman natna a phal kul hi.

94 Lamdang lo hi, Paul in, Rom 8 ah a gen bangin, “Mihai in beelbawlp a kiangah bang hih ding cih gen thei a; kua, tungman in zong, ‘Banghang, kei pen tua bangin hong bawl na hi hiam?’ Aman ngimna kibang tawh Pharaoh khangsak a, Egypt ah Ama’ minthanna a lak dingin Amah in nasem hilo hiam? Amah Ama’ deihna khauhsak a, a utdanin diktang sak hi. A ut mi leh a tai mi hilo a, ahizongin Pasian in lainatna a lahna hizaw hi.”

95 Tua ahih manin, nang bangmah na hih kul lo hi. Na hih ding khat zong om lo hi. Hehpihna ahih leh, a khawnkhong letsong ahih leh, tua tawh kisai na hih ding bangmah omlo hi. Pasian in nangma tungah hong piak hi a, Pasian deihna hi pah hi. Pasian in nangma tungah hong sehtan na ahi hi.

96 LST in eite pen “Pasian’ tapate ahi dingin, a tate dingin hong kisehkhoh a, tua pen leitung kipiansak ma ci hi.” Tua khit ciangin, Pasian in Ama’ ngaihsutna ah, leitung kipian sak ma, Ama’ piankente hong lak dingin Tuuno go ding cih ngaihsun a, Ama’ hihna; Tuuno pen kigo a, eite zong Tua tawh kigo hi hang. Tuuno Sisan Ama’ lungsim ah a om ciangin, leitung kipian sak ma pek a kipan, kei leh note’ minte Ama’ ngaihsutna lianpi sungah a vekpi in Laibu sungah kigelh khinzo hi.

97 Amah pen kiciangtan lo hi. Amah tua bang hi kei leh, banghang Aman tua phal ding hiam? Koi pen khauhpen hiam, (Ka gensa,) Honpa khat ahkl mawhnei khat? Kua in thahatna lianpen nei hiam? Tua khit teh, a thahatzaw in a thanemzaw pen a phal kul a, tua ciangin Aman Ama’ minthan nadingin ahih bek ahi hi. Amah in Lucifer a bawl ciangin, tua pen dawimangpa suak ding hi cih Aman thei hi. Tua bangin om sak hi leh Amah pen Honpa, Khazih cih hong lak thei ding hi. Tua lampi bangin Aman a piansak kul hi.

98 Tun, LST inah, tua, “Pasian a it mite adingin na khempeuh a hoih dingin a piانسak ahi hi ci hilo hiam”? Tua ahieh manin bang lau peuhmah na hi hiam?

Kote hong lamto inla hong sem sak in,
Kituhna khatpeuh hangin lungtang khat tawh;
A pau theilo ganno tawh kibang ken! (Kithuum
ding a, kizol ding hi.)
Hangsan khat suak in!

99 Tua ka deih hi. Ding un! Lakam no khat in kei pen ka neu tunga kipan hong huh mahmah a, hi bang dan tawh kibang hi:

Roman mi thupi khat a om hi,
Roman' kumpi hun lai in,
Uiphuk bangin a ham meidawi khat za a,
Kulhpi in a gen ma,
“Oh, kulhpi muanhuai hi,
Kuamah in tua ling sak zolo hi!”
“Oh, hilo,” ci-in galhang pa in ci a,
“Lampi khat ka zong ding a, tua hi kei leh ka
bawl ding hi!”

100 Tuah na om hi. Tua hi. Hih LST in Zeisu Khazih pen zanni, tuni, leh a tawntung in kibang hi hong cih leh. . . Hih biakbuk pan ka paikhiat ciangin baih lo ding hi, mi khempeuh in kei tungah *hih* thu hong piang ding a, *tua* hong piang ding hi. “Nang pen a tuampian khat in hong kingaihsun ding a, thong sungah hong khum ding, leh zatui zaha khempeuh tawh nang hong do ding hi.” Ahizongin Pasian in ci hi. LST in Amah om ci hi. Tun khanlawhna khat pen Van nuai minam khempeuh sungah mei bangin kuang hi. Banghang? Tua ah ding un!

Na nasepna nisim in bangci bangin kip sak na
hi hiam?
Na muh nasep pen na kihta hiam?
Na mai a om nasepna ah na dingkip thei hiam?
Gimin na lungsim a bei hiam? (Tua bel mudah
ing.)
Ahkl na mai a om nasep ah na dingkip hiam,
Ahkl tua tungtawnin launa hong pai hiam?
Tua bang ahieh leh, a banzom na muh pen
mancip in,
Tua na hih ding hi cih ngaihsutna tawh hi.

101 Tua tawh nungta in. Hilua. Daniel bangin, na lungtang sunga om ngimna. Pasian tawh omkhawm in.

102 “Hihte khempeuh koi ah piang hiam? Tua pen bangci pian hiam? Tua ahieh ciangin bang in mite tuaci bawl hiam? Banghang eite a kinusia dingin a baihsa in om i hi hiam? Siapa Branham aw, kei tungah hong hilhcian in. Hih na buppi maimang ding cih bangin nang hong ngaihsun sak hiam?” Nidang tua pen maimang khin a, (ahieh hia?) tuiciin hun kisiatna lai in. Tun hiah a thukzaw

nate hong pai hi. Tua ciangin eite in a sim dingin a baihsa in i om hi.

¹⁰³ Tun kei tawh Piansilna Laibu ah lemkhawm ni in, a lian 3rd ah hi ding hi. Na khatpeuh na theihnop uhleh, hih Piansilna Laibu panin kalsuanzia paikhialhna a om peuhpeuh, kong lak thei ding hi, tua ciangin tuni i thu om khatpeuh pen, Piansilna pan kipan hi. *Piansilna* i cih pen “kipatna” hi cih mi bangzah in na thei uh hiam? Hilua.

¹⁰⁴ A kipatna ah, Catholic pawlpi, Babylon, Nimrod in a phuh i mu a; LST ii a laizang ah tua i mu a, LST ii tawpna ah tua i mu hi; numei thuhilhsiate zong, LST kipatna ah i puak sawm a, singzungte panin milim biakna tawh, cih i mu hi. Mi bangzah in Hislop' gelh, *Babylon Nihte*, tangthu na sim ngei uh hiam? Hoih ei. Hih tangthute zongkhia un. Amaute in numei khat nei uh hi. . . .Tua khit ciangin, na phawk uh hia? Jacob nangawn in a pa' pasiante gu a, tua ciangin a tanu in tuate pen a nuai-ah sel a tua ciangin gamlak ah paikhiatpih hi, tua in a giahbuk uh nin sak hi, a nung ciangin. Hoih ei.

¹⁰⁵ Piansilna sungah tun simkhawm ni.

Tu-in gulpi pen TOPA Pasian in a bawl gamlak gamsa khatpeuh sangin a khelpilzaw hi. Tua ciangin amah in numei kiangah, Hih, Pasian in, huan sung singkung peuhpeuh pan na ne kei ding uh hi hong ci ahi hiam?

. . .numei in gulpi kiangah gen a, Huan sung singkungte pan a gah ka ne thei uh hi:

Ahizongin huan laizang a om. . .singkung' gah pen, Pasian in ci hi, Na ne kei ding uh a, zong na lawng kei ding uh hi, tua bang na hih uhleh na si ding uh hi.

Tua ciangin gulpi in numei kiangah, Na si taktak kei ding hi:

Ahangin Pasian in tua na nek ni ciangin, na mitte hong kihong ding a, (mu hia, Khuavak thak khat tawh zong hi), tua ciangin pasiante tawh na kibang ding a, a sia leh a pha na thei ding hi.

¹⁰⁶ Hih lawmte in tuni in, LST panin a lakkhiat sawm zia uh mu hia? “Banghang, a buak ding ahkl, theh ding, ahkl hih lampi, ahkl tua lampi cih pen baihlo ahi hiam?” Hilo hi, sia. Pasian in geelna khat ong koih a, tua bangin eite in *Hih* i zuih ding ahi hi.

Tua ciangin numei in singkung pen an dingin nek dingin hoihsa a, a mit la keei cih a muh ciangin, tua ciangin singkung khat pen. . . .pil ding lungguh a, tua ciangin singgahte pan a la hi, tua ciangin a ne hi, tua banah amah tawh a omkhawm a pasal zong a pia hi; tua ciangin a pasal in ne hi.

Tua khit ciangin amaute gel a mit uh kihong a, quaqtang in om cih. . . .amau kithei uh hi; tua ciangin

theiteh kung khui tuahin, puan dingin tuate a bawl uh hi.

¹⁰⁷ Hiah minute khat khawl nuam pak ing. Tun, nakhempeuh a kipatna ah i om kul hi. Kipatna khat na nei ngei hi. Tun eite . . . Hiah a buppi in ka bulphuh nopna mun hi a, tun, hih a nunung kimuhkhopna ah i gen om bangin, hiah i gen hi.

¹⁰⁸ Tun, tu zingsang eite paikik in LST sungah, ong gen thu pen, Pasion in leitung a bawl lai-in, Amah in gas huihte a bawl lai-in; tua khit ciangin tua gas-te pen calcium, leh potash, leh a tuamtuam in hong piang hi. Amah in na pumpi zong bawl hi. Aman inn hong lamkhia a, innlam siampa khat bangin, khutsiampa in a vante pen inn khat lam nadingin hong koihkhia hi. Amah in na pumpi bawl a, tua ciangin Amah in tualai ah lumsak hi. Aman a lungsim ah, a om thute pen thei sitset hi.

¹⁰⁹ *Hih* khut, Pasion in a tungin bawl a Amah . . . leitung Aman a bawl laitak; ahizongin, ka kha pen Amah in leitung a bawl ma-in bawl hi. Tun, ahizongin hih khut leh hih pumpi, Aman leitung a bawl lai-in, banghang hiam cihleh hih pumpi pen leitung pan hong paikhia a, leitung ah paikik ding hi. Pasion in tua bawl hi. Amah in Ama' geelna leh khutsiamna panin tuate khempeuh hong bawl hi.

¹¹⁰ Tun, Amah in leitung a bawl ciangin, Aman mipa zong bawl a, mipa in etlawm nailo hi. Tun tu zingsang, tua limlahna tungtawnin i pai a, Pa hong kumsuk in Ama' tapa, Ama' limlemel bangin a bawl cihte hong etzia kimu hi. Tua khit teh Amah in a huh ding numei khat hong bawl hi.

¹¹¹ Tun, phawk un, tua, leitung kipiansakna khempeuh, Adam in tuate a min phuak hi.

¹¹² Amah in innsa, leh gamsa, leh nakhempeuh bawl hi. Tua ciangin tuni, eite . . . Khangthu sutte leh tua nate thu pilna tuamtuamte, kum tulguk bang hanciamin, tua kizopna kikal a kiasm pen kankhiat sawm uh a, banghang tua ganhing in . . . Mihing pen ganhing nuntakna mah hi. Tua i thei hi, eite pen . . .

¹¹³ Tua ciangin numei khat pen pasal khat pan a kibawl hi lel a, a kibawl sawn khat hi. Numei khat pen a cil a piansakna khat hilo hi. Pasion in kum tampi khit kum tampi piangsaksak a, a tawpna ah ama' pang pan numei a piansak hun dong hi. Adam in piansakna khempeuh a min vawh a, nakhempeuh pia hi, ahizongin amahlemah ading bangmah om nailo hi. Tua ahiah ciangin, Amah in amah a huh ding khat bawl a; ama' pang pan a nak guh khat lakhia a, tua pen satak tawh belhkik a, ama' kiangah a huh ding khat paipih hi. Tua ciangin mihing, ama' kha sungah, pasal leh numei pumkhat ahi uh hi.

¹¹⁴ Tua ciangin numei khat pen pasal khat pan ahi hi. Tua ciangin mipa in amahlemah ading zi khat a lak ciangin, tua nu pen ama' zi taktak hi a, Pasion-piak zi khat, tua nu pen ama' khen hi a, ama' kiang zuan ding hi.

115 Tua thu hangin kitenna ah lungsim sianlohna tampi na nei uh hi, tua pen banghang hiam cihleh na paikhia uh a, nungak a etlawm kimkhat ahkl a mittang etlawm pawlkhat, tuadan nam, leh a pumpi etlawm pawlkhat na muh uh ciangin na ngai uh hi. A masa inah tua nu in a tano masa nei a, a hate dawkkhia a, tua ciangin tua nu a vun tonin hong tek a, tua khit ciangin amah na hawlkhia nuam hi. No numei pawlkhat in a etlawm sam a nei pasalno na mu uh a, a nu' vokthau in tua tungah a lang bungkhia thei a, kil takin. Tua ciangin tuate khempeuh hong kia ding hi; tua pen tuahkhak thu tawh ka thei hi. Ahizongin bang piang? Tua bang? Tua ah na puk hi.

116 Thu na nget masak ding hoih hi, banghang hiam cihleh numei khat pen nangma' khen hi. Tua ciangin na ang ah numei khat na ngah theih leh, na zi dingin na la a, tua ciangin. . . Tua nu in nangma tungah seal tupna hong bawl ding hi. Hi danin i gen ding hi tua ahileh na theitel ding uh hi. Tua tawh a kilehbulh numei khat khatpeuh tua tawh kituak lo ding hi. Pasian in tua mawhpuak hangin nang hong len ding hi. Tua na phawk in.

117 Mi khatpeuh ii zi na lak leh. . . Tuni khua sungah nungak khat thu ka za a, hehpihhuai hi. Amah ka thei hi. Sum kikhama kimawl pawlkhat in tua nu puan hoih nono leisak a, tua nu tawh kimawl sawm hi. Zusa khat, in tua danin na khat hih ding hi, mihing khat nangawn in ngaihsun theilo hi.

118 Na thei, ui khat in tua bangin hih lo hi, nupi khat pen "a thanghuai gamtat" ui khat na ci hi. Tua nu pen Jeffersonville in a neih numei a lang sangin uangzaw hi. Tua nupi khat pen "vokpi" khat na ci a, tua nu bel. . . Tua nu in hih United States numeite sangin hoihzaw pek hi. Tua bang hi lian hi. Tun, tua bel zai pian cih thei ing. Inn ah ha gawi sa in ka ciah ding cih kong gen a, tua na theih ding uh ka deihi hi. Tua pen hi hi. Amaute khempeuh, tuni numeite, bangci gamtat ding cih nangawn theilo uh hi. Tua ciangin, "Ka theihtheihna hong na sak ken" ci hi. Bangmah na nei kei hi. Ciamteh in. Hihi, sia. Bang pen dik hiam khial hiam cih na thei hi.

119 Tun ciamteh un. Hih pa, amah pen a kipian sak hunin, Pasian in ama' kha khenkhia hi. Tua ciangin Aman mipa tungpan, a pang pan, khat lakhia a, numei khat hong bawl hi. Tua khit ciangin Aman numei hihna, mipa' kha hong lakhia a, tua tawh numei khat bawl hi. Tua ciangin Amah in pasal hihna zong, tha hoihtakin bawl hi.

120 Tua ciangin tua mipa khat na muh ciangin. . . na thei, khutcin khawng uangtakin bawl uh a, ahkl a khutmete pen tua danin hih uh hi; tua ciangin, na thei, a pang khat ah li leh a lang lamah nga, tua ciangin a sam pen numei bangin bawl hi; a mailam ah a kam ka a, tua danin omin; hih a etlawm tangvalnote khat dan hi. Na phawk uh, sanggamnu, tua vasa in poina nei hi. Khialhna khat om hi. Na mit tawh tua pa en gige in.

¹²¹ Numei khat a kam ah cigarette za na muh leh, tua danin a om na muh ciangin, tua ciangin, “Kong gen ding hi, lawm, tua ahi hi!” Sanggam aw, tua numeino en in. Ama’ tungah khialhna khat om hi.

¹²² Numei khat, numei khat a kici, tua nu in numei tawh a kibangin puan silh ding kilawm hi. Pasion in pasal khat a bawl ciangin Aman tua pa tungah na khat bawl a, Amah in numei pen na dang khat in bawl hi. Pasion in tua pa puansilh sak a, Amah in lampi khat ah amah silh sak hi, tua ciangin numei zong ahi hi. LST in, “Numei khat in pasal khat ii puan a silh ding pen kihhuai hi ci hi.”

¹²³ Tua ciangin no numeite, tua bombi luite leh nate silhin, tuate na teeng uh a, tua ciangin. . . Tuate pen, khuk nuai lam kigak a kol pheituam ci in na sapte uh ahi hia? Amaute in bang. . . ? Oh, tua in amaute tungah bang. . . ? Hilo, hilo, tua bang a tomte hilo hi, a dang khat, a tual teng hi. [Mi khat in, “Pedal pushers.”—Ed.] Pedal pushers, tuate, pheituam tawh kizom puante.

Pai inla, hi bangin ci in, “Hih in numeite’ ading hi.”

¹²⁴ Ken, “Hilo, na khial hi. Numeite in tuate zang lo hi. Numeite hi kha mah ding, ahizongin a zahtakhuai numeite hilo hi.” Tua hi.

¹²⁵ LST in, “Numei khat in a tungah puantual khat a silh ding pen. . . tua ciangin pasal in a tungah numei puan khat a silh ding hilo hi.”

¹²⁶ Tua ciangin mihing pen nisim in, numei vai tektek uh a, numeite zong pasal vai deuhdeuh ta uh hi. Tua bang hang hiam? LST tawh, minute tawmno sungin i kankhia ding hi. Numeite pen numei hi nawnlo mawk ta uh hi. Christian numeite ka ci kei hi. A huampi in a gen ka hizaw hi. Amaute in pasalte bangin gamta uh a; pasal bang lianin kizem uh hi; Singzawl tungah a khut uh lamto in, tua danin, *Pasion In America Thupha Pia Ta Hen*, ci kawmin a kam ah cigarette za khat teep kawm hi.

¹²⁷ Lampi ah paisukin, tua danin pai in, lamzikpi ah pai uh hi. I sim hi. . . Thukhat kong gen nuam hi. No numeite motor hawlte in ngai un. Billy Paul leh kei, hih gam campaign nunung ah, kha guk bang, lampi ah lungsim sianlohna neite bangzah pha hiam cih ka sim uh hi. Tua ciangin lampi ah, tuahsiatna zathum panin, tuate panin mi bangzah pen numei motor hawl hi ding hiam? Tawm bek om hi. . . Tuate pan sawmlekua pen pasalte hi. Zanih leh sawmgiat ahkl, tua hi dingin ka um a, zanih leh sawmgiat-le-khat pen numei motor hawl hi mawk hi. Numei motor hawlte! Tun, numei motor hawlte a om pen hoih lo ka ci kei hi. Ahizongin numei in hong hei lel ding hi.

¹²⁸ Tua ciangin tua nu na ngahkik sawm hiam? Tua nu pen etlawm sak pianin, tualai ah dingin, a samte khah a, palik pa hong pai ciangin. “Banghang,” aman ci ding a, “hilua, nang pen na khial hi!” Hmm! Thukhun i nei kei hi.

129 Kong paina ah amau khatvei ni siah piakna vai ah lak uh hi. Thukhunte i nei kei hi. A om hileh . . .

130 England gam pan a thahat topate in, "Democracy pen sikkawipi a neilo tembaw hi" a cih pen lamdang lo hi. Tua hi, mite mai ah thugen pak nadingin kibawl tau, kiteelna ah a huzapna. Democracy pen muat hi, tua ciangin thuneihna tawh a ukcipte leh tua namte khempeuh hi. A buppi in muat hi. Tua bang hilo hi ahizongin Pasion in a hih nop khat om a, a buppi usia ding, Aman hih ding a cih bangin, a thak kipan ding hi. Tun Hongpaina ah bangzah ciangdong in nai ta na hi uh hiam cih en gige un.

131 Tun hih numei in . . . Aman ama' ading a huh ding khat a bawl ciangin, tua nu pen amah a huh ding ahi hi. Tua khit ciangin . . .

132 Tun, hiah, hih thu tawh ka kithukimpil thuhilhsia om ngeilo hi. Tua ciangin amau lampi dang ah bawl sawm uh a, ahizongin tua pen kei' ading bangmah hilo hi. Amau a genna ah Adam leh Eve in apple pawlkhat ne uh hi cih sawm uh hi. Sanggam aw, tua . . . tun hih thu pen ciamnuh a bawl nuam ka hi kei a, ahizongin kong gen nuam hi. Ahangin, apple nekna in amau pen guaktang in om lam phawk sak ahil leh, apple kikhakkik lehang hoihzaw ding hi. Tua hileh a dik pen na thei uh hi.

133 Na thei uh hi, apple khat nekna pen, amau bang sak lo a, amau guaktang in a om lam phawk sak tuan lo hi. Hilua, tua bang hilo hi. Tua pen zawlthu ah hong pai kul hi. A hih kul hi, banghang hiam cihleh hih nek loh dingin a kikhaw singgah a nek uh ciangin guaktang in a om lam uh kiphawk lian hi. Numei in singgah ne hilo hiam? Nang zong na nu singgah pan hilo na hi hiam? Tua pen nek loh dingin a kikhaw pan a singgah hi.

134 Tun hiah na lian khat om hi. Tun nate thu pilna in a naipen a theihna ah mihing pen . . . Amau mihingte' guhte lei sungpan to khia uh a, suang suakte la uh a, a lutangte, a luguhte, a bante, leh guhte, mihing khat tawh a kisun dingin bawl sawm uh hi. Tua ciangin mihing a zonna ah a kinaipen a muh thu in, tua pen, chimpanzee zawng nam ahi hi. Amah pen mihing khat tawh a kinaipen nam hi a; ahizongin mihing tawh bel a kisai hilo hi, tua pen a sangpen hi.

135 Nuntakna a niampen in uiphuk khat hi a; a sangpen in mihing ahi hi. Pasion in a niam pan hong kipan a tua hong bawl in, tua pan Ama' limlemel bangin hong tun hi. Vasate leh gamsate tungtawnin hong bawlbawl a, a tawpna ah Pasion' limlemel a tun dong hong bawl hi. Aman mihing pen tua limlemel bangin bawl hi. Tua pen a sangpen lim hi. A niampen lim in uiphuk khat ah hong kikhelna cihte ahi hi.

136 Tun, hih a kizam kizopna, amau mu zolo uh hi. Tun LST en in. No, hih thu ah na thukimpil kei ding uh a, no mi tampite in,

ahizongin ken. . . Na lungsim ah na ngaihsut ding uh ka ut hi. Tua ciangin tua langpanin thukhen pah khol kei un. Ngai un.

¹³⁷ No mi tampite in Dr. DeHaan thugenna na ngai khin uh hi. Kician ing. . . Amah pen mi hoih khat leh, sanggam Baptist hoih khat ahih manin, ama' tungah ka lungdam mahmah hi. Aman kei theihna sangin khuak pilna leh khuakte hatzaw a, kei sangin tam theizaw hi; banghang hiam cihleh aman Doctor of Divinity ngah a, amah pen zatui lam siavuan khat hi a, tua banah Doctor of Science zong nei hi. Amah pen a tei khat hi. Ahizongin aman tua thu a gente. . . Pasion' tapate in mihingte' tanute a muh uh ciangin hoihsa a; aman Josephus' dinna zang a, tua ciangin "amaute—amaute in mihing pumpi zangin amauleamau kibawl uh hi," tua ciangin a zi dingin la uh hi. Tua ciangin tua mite pen Nod gam ah mi thahatte ahi uh hi. "Tua ciangin amaute in amauleamau' adingin zite pi uh a, Pasion' tapate, a puk Vansawltakte, mihingte' tanute a muh uh ciangin tenpih uh hi; tua ciangin nulepa lunggulhna hong lian mahmah a, pukna panin mawhdim in gamta uh a, amauleamau mihing bangin kibawl uh hi."

¹³⁸ Amaute pen tua bang hi leh, amaute in Pasion damsakna nin sak uh a, amaute in na khempeuh nin sak uh hi. Dawimangpa in piangsak thei hileh, amah pen Pasion tawh kikim hi. Dawimangpa in piangsak theilo hi. Dawimangpa in a piangsak theihna mun khat nong lah ding uh ka ut hi. Aman piangsak theilo hi. Aman a kipiangsak sate bek hei hi. Amah pen piangsakpa hilo hi. Amah pen lampialsakpa bek hi.

¹³⁹ Tua ciangin, bang piang hiam? En un. Hiah ka muhdan om hi. Hiah a mansuah kizopna om hi.

¹⁴⁰ Tun amau chimpanzee khat ngah uh a, ahizongin chimpanzee in numei khat tawh ta nei theilo hi. Ganhing khatpeuh tawh mihing pen kigawmkhawm theilo hi. Tua kigawm lo ding hi. A sisan na gawm thei kei hi.

¹⁴¹ Africa ah ka om lai in, amaute in tua a hehpihhuai mivomte pen tua bangin bawl uh a; mi khat in kei kiangah, "Tua mite pen ganhing tawh kibang lel hong ci hi."

¹⁴² Ken zong, "Hong maisak in. Amaute pen nangmah bangin mihing mah hi uh a, kibang mahmah lel uh hi." Kong gen ding hi, tua bang gamtatna nam pen, ganhing lamah a zuankik ahi hi. Ken zong, "Tua pa, mom bangin a vom phial zongin, mai bangin a mel a nei zongin, ahkl a dum dup mel a pua zongin, na nuntakna pen ama' sisan tawh hong hawm leh hong honkhia thei veve ding hi. Ahizongin ganhing khat ii sisan pen nangma sungah na koih ngeikei ding hi." Hilua, amah pen mihing khat hi.

¹⁴³ Banghang hiam cihleh civun a vom manin, a dang khat a puang manin, a dang khat ankam mel a puak manin, a dang khat a kang manin, tua tawh bangmah kilamdang lo hi. LST

in, “Sisan khat in Pasion in mihing khempeuh bawl” ci hi. Tua bang hi lian hi. I tenna munte, i melte kikhelkhelna in bangmah kilamdang sak tuan lo hi. Mihing khat a bawl Pasion in minam khempeuh bawl a, sisan khat, minam khempeuh a kibangin bawl hi.

144 Sente; civom mi in tun gen thei lo a, civom mi in gen theilo hi, tua, “Tua Sen pa, amah pen a mel ankam mel pua hi, amah tawh bangmah ka neikhawm kei hi” cih bang om lo hi. Amah pen na sanggampa hi. No mikangte in zong ankam mel pua khat ahkl mivom khat, khat zawzaw, “Nang tawh ka hih ding om lo hi” ci theilo hi. Amah pen na sanggampa hi. Hi lua hi.

145 Tun ciamteh un, hiah thupiang om hi. Ka um hi, LST tawh kihuh thei ding a, tua pen gulpi in ahih thu ahi hi. Gulpi pen chimpanzee leh mihing kikal ah a kisas pen ahi hi. Banghang hiam cihleh, ngai un, hih thu ciamteh un, tua gulpi pen awmtaal khat hilo hi. Amah pen gam sung gamsa khempeuh lakpan “khelpil” pen hi.

146 Tun, pai-in tongdotte sungah ka en a, tuni, mun khempeuh pan, hih kammal a khatna ka zong a, *khelpil* ii deihna ka en hi. Tua in “a tei ding, lungsim kawi ding,” cih bangin khatna nei a, a khatna hoihpen Hebrew kam pan hi a, (m-a-h-a-h, mahah) cih pen “nuntakna thu bulpate’ theihna taktak khat neihna” hi.

147 Tun hih thu minute khat khawng en ni. Amah pen tei in, lungsim kawi nei a, ahingangin amah pen “gulpi” kici hi. Ahizongin, phawk un, amah pen tualai a om khempeuh lakpan a teipen hi, tua ciangin gam sunga om na dang khatpeuh sangin mihing tawh kisunzaw hi; mihing tawh kinaipen hi. Amah pen a awmtaal hilo hi. Hamsiatna in amah awmtaal sak hi. Tua ciangin amah pen . . . LST in a genna ah amah pen a etlawmpen ci hi.

148 Tua ciangin hamsiatna in ama’ etlawmna khempeuh lakkhiatsak lo hi; ahingangin gul khat ii a minthanna meelte etlawm a, ama’ hehpihna leh gitlohpilna hi. Hamsiatna nangawnin tua lakhia lo hi. Ahizongin, na phawk in, Pasion in a khete paikhia dinga a gilpi tawh lampai ding ci hi. Tua ciangin gul khat ii tungah mihing danin guh na mu kei ding a, tua in nate thu pilna in mang sak hi. Ahizongin amah om hi.

149 Pasion in mipil leh a kiphasakte’ mitte pan tua seel a, ni nunungte ah Pasion’ tapate tungah hong lak dingin hong kamciam a, Pasion tapate tungah hong kitheisak ding ci hi, tua ciangin, “Pasion’ tapate in leitung kipiansak ma-in lungdam uh hi.” Pasion’ hihna kilaakna lianpi leh nate ni nunungte ah hong tun ciangin, Amah in Pasion’ tapate tungawnin hih nate hong lak ding hi. LST in hong hihna na thei hi. Tua ciangin hiah i om hi. Tua thu hangin Pasion in hih nate eite tungah hong hongkhia hi. Pasion in Ama’ tapate kilatna sungah hong puak ding hi. Amah in mihing’ theihna kiciangtanna gal ah pai ding a, khalam kilaaknate sungah, Tua hong tungpih ding hi. Eite tungah, hih

LST sungah hong kihilh hilo hiam, “Hiah pilna a nei mi tungah”? Sang pan a sin hilo; ahizongin Pasion’ mai ah khukdinna tawh a sin, Pasion a lungkimsakna hangin a piak ahi hi. Pasion’ tapate, kitheisak hi!

¹⁵⁰ Hiah gulpi om hi, tun hiah gulpi om hi; amah ka lahkhiatna thu kong pia ding hi.

¹⁵¹ Eite in. . . uiphuk khat pan, i paisuk a, nga lulok ah i pai suksuk a, *tua bang-tua bang*, a tawpna ah zawng ah, chimpanzee dong ah i paisuk hi. Chimpanzee panin, eite pen chimpanzee panin mihing ah i pai a, banghang hiam i thei nuam hi.

¹⁵² “Ee,” nate thu in gen a, “tun ngak in! Numei in zawng leh chimpanzee cihte pawl piangkha sak thei a, mihing in chimpanzee suakkha sak thei hi.” Tua bang piang lo ding hi. Ganhing dang khatpeuh piang ding cih pen; tua hilo ding hi. Kigawm lo ding hi; na sisan, sisan kibang lo pen kigawm theilo hi.

¹⁵³ Hiah sisan pawlkhat om a, ganhing mu lo uh hi. Oh, Pasion phat un, hi lua zen mawk hi. Ciamteh un. Bang hang? Pasion in amaute’ tungpan tua seel hi. Mihing guh tawh a kibang gul khat in guh neilo hi. Amah in miteite in a muhkhiat zawhloh nate gamlapi ah koih lel hi.

¹⁵⁴ Tua ciangin mitei pen koi pan hong pai a, amah koi ah—koi ah om hiam cih kong lak ding hi. Mu hia, amah pen tua tungtawnin hong pai thei lo hi.

¹⁵⁵ Kilaakna pan hong pai kul a, “Nang pen Khazih, a nungta Pasion Tapa. . .” “Hih suangpi tungah Ka Pawlpi Ka lam ding a; hell kongkhakte in zong tua a zozo kei ding hi,” khalam kilaakna. Abel in bangci bangin tuono khat pia-in Cain in lo pan a piang gahte tawh pia thei ahi hiam? Ama’ sungah khalam kilaakna om hi. Tua pen sang pan na ngah kei hi. Pawlminte tungtawnin na ngah kei hi. Vantung panin tua na ngah hi.

¹⁵⁶ Tun gulpi en un, hih gulpi pen a masa hi. Tun ama’ lim suai ni. Amah pen lawm thupi khat hi. Amah pen mihing leh chimpanzee kikal ah om hi. Tua ciangin, gulpi; dawimangpa, Lucifer, in hih mihing tawh a sisan pen kigawm thei bek a, amah in tua sem thei cih pen thei hi. Amah in chimpanzee tawh nasem khawm theilo hi, tua sisan kigawm lo ding hi. Amah in a tuamtuan hih theilo hi. Amah in tuute tawh semkhawm theilo hi. Amah in sakol khat tawh semkhawm theilo hi. Amah in ganhing khatpeuh tawh semkhawm theilo hi; amah in hih gulpi tawh a sephkop kul hi.

¹⁵⁷ Tun amah pen i suai dinga amah tawh a kisun khat i bawl ding hi. Amah pen lawm thupi khat, a gol mahmah khat hi. Amaute in hih guh lianpita a muhna mun hi a, hih LST sungah kong lak ding hi. Tun limtakin ngai un. Hoih ei. Hih lawm thupi, amah pen pi sawm pha ci ni, a liangkote gol hi; mihing khat tawh kibang hi. Ama’ sisan, hong paisuk a, ganhing khat pan

a dang khat ah, ganhingte kantan hi; a sisan zong sangzaw a, nuntakna sangzaw, a sangzaw dinmun ah, mihing ukna sungah a lut theih dongin khangto hi. Ahizongin a nunungpen kizopna, hiah kikal ah, kisattan hi. Nate thu pilna in tua a kisam kizopna pen mu zolo uh hi cih kua teng in thei? Na vekpi un na thei uh hi. Banghang? Hiah amah om a, gulpi. Hiah amah om hi, lawm thupi.

Dawimangpa hong paisuk a, tun, amah in, “Kong thahat sak thei hi” ci hi.

¹⁵⁸ Tun, numeite leh a gamtatnate uh na et ciangin, na phawk a, nang pen dawimangpa pan hong kinilh hi cih (na zi mahmah hilo hi).

¹⁵⁹ Ciamteh un, tun, dawimangpa hong paisuk a gulpi sungah hong lut hi. Amah in Eve pen Eden huan sungah a guaktang in om mu a, huan laizang ah singah tawh kisai gen hi. A *laizang* cih pen “a lai ah,” cihna hi pah a; na thei uh hi, mihonpi in thei hi. Tua ciangin amah in, “Tun, hoih hi. Na mitte ah etlawm sak hi.” Aman bang hih hiam? Amah in Eve tawh kingai a, amah tawh nungta a, a pasal bangin omkhawm hi.

¹⁶⁰ Tua ciangin tua numei in nopsakna ngah a, tua ahih manin tua nu in a pasal kiangah gen a, ahizongin numeinu pen Satan hangin naupai hi.

¹⁶¹ Tua ciangin a tapa masapen ahi, Cain min nei, Satan' tapa nei hi.

“Tun,” nang in, “tua khial hi.”

¹⁶² Hoih ei, khial hiam khial lo hiam i zongkhia ding hi. “Nangma' Suan leh gulpi' suan kikal ah kilangneihna ka koih ding hi.” Bang? Gulpi suan! Tua nu in Suan khat nei a, tua ciangin amah in suan khat nei hi. “Amah in na lu suzan ding a, nang in Ama' khetul na sunim ding hi.” Tua ciangin *suzan* cih pen, “Thoihdamna khat bawl ding” cihna hi. Tun hiah gulpi' “suan” na hi hi.

Tun, ciamteh un, hiah hih mi nihte hong paikhia uh hi.

¹⁶³ Tun, hih gulpi, amah tualai ding a, hih migolpi pen tualai ah ding hi, amah in Adam' zi tawh angkawmna ah mawh hi. Tuni mawhna koi ah om hiam? Tuni amaute tua lampi ah bang in bawl hiam? Tun, ken. . . Ka thugen na man thei lua hi. Tuah om hi.

Amah in a hih ciangin, Pasion in gen a, Eve leh Adam hopih hi.

Tua ciangin amah in, “Guaktang in ka om hi.”

Tua ciangin Amah in, “Guaktang in na omlam kua in hong gen hiam?”

¹⁶⁴ Amaute hong kipan uh a, galkap puan, hong silh uh hi. Tua ciangin, “Numei in Nong piak pen in, hih hi. Amah in kei hong zol hi.”

165 Tua ciangin numei in, “Gulpi in kei apple khat hong pia hi?” Hoih ei, thuhilhsia, a banzom in en in.

166 Tua numei in, “Gulpi in kei hong zol hi.” *Zol* cih kammal na thei uh hia? “Ninsak” cihna hi. Tua . . . dawimangpa in ama’ tungah apple pia ngeilo hi. “Gulpi in kei hong zol hi.”

Tua khit ciangin hamsiatna hong tung hi.

167 Aman, “Banghang hiam cihleh na pasal sangsikin gulpi thugen na ngai hi, leitung panin Nuntakna na lakhia hi. Tua ciangin nang—nang tungpan dahnate hong khang semsem ding hi; tua banah na ngaihsutna pen na pasal hi ding hi,” tua bangin ci hi.

168 “Bang hang hiam cihleh Kei sangsikin na zi thu na ngaizaw hi (leivui panin Kong la a; a sangpen cii), leivui ah na ciahkik ding hi.”

169 “Tua ciangin, gulpi, banghang hiam cihleh nang in hih bangin gamta na hih manin, na khe in na pai kei ding hi. Na gilpi tawh na pai ding a, na nuntak sung tawntung hi ding hi. Nang pen hong kimudah ding hi. Leivui pen na an hi ding hi.” Tuah na om hi. Tuah a kism kizopna pen om hi.

170 Tun hiah Cain hong pai hi. Pianngzeizate en ni. Hiah Cain hong pai hi. Amah bang hiam? Amah pen a gitloh pil sumbawlm khat hi. Aman lote kho hi. A tei, a pil; biakna mi, biakna mi mahmah; ama—ama’ piankente tun en un. Minute tawmkhat kei tawh paikhawm lai ni.

171 Hiah amah hong paito hi. Aman amah pen biakna mi cih thei hi. Amah biakinn pai nuam hi. Aman pawlpi khat phut a, biakpiakna pia hi. Biakna tau khat lam a, tuate bawl hi. Biakna tau khat lam a, tua tungah a paakte koih hi. Lo sungah koih hi. . . Lo pana singgahte, Pasion tungah pia hi. Tua ciangin, “Tuah Na om hi, Topa. Apple ka nek lam uh ka thei a, tua in hih thu piangsak hi.” Ama’ piakkhiat tawmkhat pen ngaihsutna khat kibang pian hi. Hong paina mun hong lak hi. A apple-te hong puak a, lo panin, tuate tua mun ah hong koih a, “Hih in thoihdamna khat bawl ding hi” ci hi.

Pasion in, “Tua pen apple hilo hi,” ci hi.

172 Ahizongin, khalam kilaakna tawh, Abel in tua pen sisan cih thei hi. Tua ahih manin aman tuuno khat puak a, a gawl pan at in si hi.

173 Tua ciangin Pasion in, “Tua hoih hi. Tua kismetna hi. Tua pen sisan hi” ci hi. Ka thugenna tawh kisai sisan bang hiam cih na thei uh hi. Hoih ei. “Tua a sem pen sisan hi.”

174 Tun en un. Tua khit ciangin Cain in Pasion mai-ah a siangtho a om a sanggampa mu a, tualai ah limlamdangte hong piang cih thei hi, aman haza hi. Aman, “Tun hih pen hiah khawl ding hi hang.” Tuni, a sanggamte en in, a tate zong en in. “Tun, kei pen amah sangin ka siamzaw hi,” tua ahih manin amah heh hi. *Hehna*

pen koi pan hong pai hiam? Hehna pen na gen thei hiam...? Aman a sanggampa that hi. Amah pen tualthatpa khat hi.

175 Pasion pen tualthat khat hi na ci thei diam? Adam pen Pasion' tapa hi. LST in gen a, tua, "Adam pen Pasion' tapa hi," tua pen a kipatna siangtho hi. Adam pen Pasion' tapa hi. Tua hazatna leh deihgawhna, leh nakhempeuh, tua a siangtho lui pan hong paikhia theilo hi.

176 Tua pen mun dang khat pan hong pai kul hi. [Awkhumna kician lo—Ed.] A cilin tualthatpa khat ahi, Satan tungtawnin tua hong pai hi. LST in, "Amah pen tualthatpa khat leh zuaukhempa khat ci hi." Tualai ah om hi. Amah in a sanggampa that hi.

177 Tua ciangin tua pen Khazih' sihna limlakna khat hi. Tua khit teh, tua panin, hihi, Amah in a mun ah Seth khangkhia sak hi. Khazih ii sihna, kivuina, leh thawhkikna.

178 Tua ciangin en un, hiah na migolte hong pai hi. Cain pen Nod leitang gam ah pai hi. A pa pen mi golpi khat ahih leh, Cain pen bangci dan hi ding hiam? A pa. Tua ciangin Nod leitang ah amah pai a, a sanggamnute khat la hi.

179 Tua lampi bek ah aman hih thei hi. Numei dang hong pai om lo hi, ahizongin Eve tungtawn bek hi. Amau a genna ah tapa leh tanu sawm sagih nei ci hi. Numei a om kei leh... LST in numei ciamteh lo a, pasalte bek ciamteh hi. Tua ciangin, Eve sangin numei dang om lo hizen leh, amah a sih ciangin, mihing pen bei ding hi. Tua nu in tanute a neih kul hi. Tua ciangin amah in a sanggam numeite mah a tenpih kul hi.

180 Amah Nods leitang ah pai a, tua ciangin a zi dingin la hi. Amah in tualai ah zi nei ahih leh, tualai ah mi golpitemu uh a, tua pen a puk Pasion' tapate hi; a pa uh, dawimangpa' tungtawnin hong pai uh a, Cain suan hi. Tualai ah a kizam kizopna pen om hi.

181 Gulpi' khaici en un. Tun en in. Phawk un, gulpi' khaici pen biakna mi hi. Minute tawmno sung, i pai lai ding hi. Hiah, gulpi' khaici hong pai hi. Amaute tungah bang piang hiam? Tun hiah thu khat kong sim nuam hi, tu sun ka gelh hi.

182 Abel gui tawnin bang hong pai hiam? Hih thu ngai un. Hoih ei. Abel hong pai hi. Abel khit ah Seth. Seth khit ah Noah hong pai hi. Noah khit ah Shem. Shem khit ah Abraham. Abraham khit ah Isaac. Isaac khit ah Jacob. Jacob khit ah Judah. Judah khit ah David. David khit ah Khazih, kicinna ah.

183 Pasion' Kha in Abel sungah a nuntakzia enki un. Seth sungah Tua a nuntakzia en un. Judah sungah Tua a nuntakzia en un. David sungah Tua a nuntakzia en un. A samkhia Kha kibang a, thumaan khaici tungtawnin, lampi zui in hong paisuk hi. Amau bang sem khin uh hiam cih thupi kei, amaute pen a kisehtuam hi.

184 Jacob en un, a kihhuai. . . Hih thu pen a siangtho a kingaihsun ka ci kei hi. Ahizongin, Jacob, a nasep vang a khuallo khat, a nu sungah om a, tai kawikawi leh; numei siaa khat hi. Ama' tungah nate koihin, a pa khem a, thupha ngah sawm hi; ahizongin leitung kipiansak ma, ama' tungah tua kipia khinzo hi. Hilua, tua hi.

185 Paikhia a tua ciangin a sungpha khem leuleu hi; tua ciangin poplar kungte sat a, tuate sunga a kangte kidawksak a, a gial bilbial dingin singhawng leukhia a, ciangkutin bawl hi, tuuno gei hong gai uh hi; tua bangin a gan honte a meel kikhel sak a, tampi hong ngah hi. Pasion in amah thupha pia hi. Tua hi.

186 Jacob tawh kisai khatpeuh a gen mi tungah siatna tung hen. Na thei hia—na thei hia kamsang zuau thugenna. . . Ahkl, amah in a maan in thugen khol hi. Balaam, amah in, “Amah thupha a pia mi thuphangah ding a, amah a hamsiat mi kihamsiat ding hi.”

187 “Nang kong sam hi, Jacob. Theih ngeiloh gam khat ah. . . amah ka mu hi. Tua ciangin muvanlai in a bu a tuam bangin, ken amah ka tuam a amah ka samkhia hi.” Topa phat un! “Vangliatna tawh hilo, thahatna tawh hilo, ahizongin Ka Kha tawh, ci-in Topa in gen hi.”

188 Tua kicinna ah hong paisuk pen en un. Tua Kha in Khazih sungah kicinna hong tun a, tanglai pupate khatciat tungtawnin hong paisuk a, hong kizom suksuk hi. Amau bang hih uh cih thupi lo a, bang gen uh hiam, bang sem uh hiam, tua mite pen thumaan' khaici taktak ahi uh hi.

189 Tua ciangin, hiah, thumaan Abraham. . . Minthang! Oh, ka hoih dan nuam lua hi. Midik Abraham in Melchizedek, Amahmah Pasion ahi tawh kimu hi!

190 Melchizedek pen kua hiam? “Salem Kumpi, Jerusalem Kumpi hi a, kilemna Kumpi hi. Amah in pa neilo hi. Amah in nu neilo hi. Amah in kipatna nite nei ngeilo a, tawpna zong neilo hi.” Amah hi den a, Amah nungta lai hi. “Amah suak ngeilo hi. Amah si ngeilo hi. Amah in pa ahkl nu neilo hi. Amah in kipatna nite, ahkl nuntakna tawpna neilo hi.” Tua pen Kua hiam cih hong gen in. Tawntung Pasion; i sapna hi a. . .

191 Oh, tun na sapna ka mangngilhi hi. Theophany, tua pen ahi hi. Tua dan. . . Zuauphuah khat hilo; ahizongin hong kilang nakhat hi lel hi. Amah in giahbuk ah Abraham kiangah va pai a, vantung mi khat bangin, kamsang hi, tua ciangin Sarah pen nui a, Ama' nung ah om hi. Tua na, tua pen mah.

192 Tua ciangin hiah Amah om hi. Amah in Melchizedek tawh kimu hi. Tua ciangin a pu-. . . pu-sawsawn Abraham, thumaan khaici sungah, Melchizedek tungah sawm-ah-khat pia hi; tua ciangin tua pen a tu-sawsawn hiah, thumaan khaici tungah khenkhia in ciangtan hi.

193 Tun hiah gulpi' khaici hong pai hi. Tun, phawk in, amaute kikal ah galkidona, kigalneihna om ding hi.

194 Gulpi' khaici hong pai a, bang piangkhaia sak hiam? Tun kum masa tawm en ni. Tun thupiang en un. I sim suk ding hi, banghang hiam cihleh ka encian khinzo hi. Gulpi' khaci in Cain piangsak hi. Cain pen Nod leitang ah pai a, migolpите piangsak hi, tua khit ciangin amaute Noah leitang ah hong pai uh hi.

195 Amaute pen a tei, pilna nei, a pil mite ahi uh hi. Ahi hia? Amaute pen innlamte, nathak bawlte, nate thukante hi; thumaan' khaici tungtawnin hilo hi, ahizongin gulpi, Satan' khaici tungtawnin. Amaute pen nate thukante, leh innlamte, mi liante, pilna neite ahi uh hi. LST in ci hi. Amaute in sumngo sem uh hi. Amaute in siik sem uh hi. Amaute in siikte bawl uh hi. Amaute in nate bawlkhaia uh hi. Amaute in siik tuamtuamte sek uh a, innte lamin tua bangin om uh hi. LST in ci hi. Tua ciangin amaute pen numei' khaicite a zahkote ahi uh hi, Noah, thumaan mi. Ahi hia?

196 Tawmcik khat zuih behlai ni. Tua khith teh, gunkuangpi dong ah amaute i gen ding a, nakhempeuh kisia hi. Mawhna kilomzial bangin om a, amaute in thukhun, a teipen, leh a pilpen la uh hi. Pasion hong etsuk dong, bangmah om nawnlo phial a, tua ahih manin Amah in Noah leh a innkuan pen gunkuangpi sungah paipih a, guahtui hong luangsukin a buppi susia hi. Enoah tua ma, samto hi. Ahi hia? Tua pen khaici khempeuh, khaici khempeuh phial hi; ahizongin Amah in tua a kicin nadingin ngimna nei hi.

197 Tun, Noah leh a tapate, hong paikhia uh a, Ham, Shem, leh Japheth, thumaan lampi ah hong paikhia uh hi.

198 Khaici in bangci paisan ngei hiam? Gunkuangpi sungah a pai khaici, a kipatcil a bangin, numei tungtawnin, a zite uh. Amaute in Satan' cii, gunkuangpi tungtawnin hong pua uh hi, Eve in Satan' khaici a puak bangin, Cain a neih nadingin, numei' tungtawnin hong pai hi.

199 Thuhilhside' ading na tokhomte uh ah numeite na koih uh hi, LST in tua mawhsak hi! Paul in, "Mi khatpeuh in amahlemah kamsang, ahkl khami in a kingaihsut leh, Topa' thupiakte ka gelh thute thei ta hen; ahizongin a nial leh, tua mi kinial ta hen."

200 Hiah tua manin Baptist pan paikhia hi hang. Sanggampa Fleeman hiah om ngei hi; tua ni zan amah zong om dingin ka ngaihsun hi. Dr. Davis in a genna ah, "Hiah na dingto ding a numeite thuhilhsidea dingin kipsakna na nei ding hi."

Ken zong, "Ka hih kei ding hi. Hilo hi."

Aman, "Nang kong hawlkhaia ding hi."

201 Ken, "Kei hong kihawlkhaia leh utzaw ing." Ken, "Hih in Pasion' Thu hi, Tua in mawhsak hi. Pasion in a mawhsak thu pen ken ka len zo kei hi." Hilo hi, sia.

202 A hih ngei peuhmah, amaute pen thuhilh siazuaute, kamsang zuaute ahi uh hi. LST in amaute hi ding ci hi. “Ahi thei hileh teelsa nangawn hong khem ding hi.” Tuah na om hi.

203 Hih thu ciamte un. Tualai panin, tua khit ah, Ham hong pai a, Ham pen a zi tawh, tuate om hi. Amah in tuapa hamsiat hi. Ham panin Nimrod, Babylon a lampa hong pai hi. Babylon panin Catholic pawlpi, tua a kipatna hi. Ahab tungtawnin hong paisuk hi. Ahab panin Judas Iscariot ah; tua hong liam a, antikhazih hi.

204 Hih ni nunungte sungah hiah antikhazih’ kha om leh Khazih’ Kha om hi. Antikhazih’ kha in, “A lamdangte bei ta hi” ci hi. Khazih’ Kha in, gen a, “Amah pen zanni, tuni, leh a tawntungin kibang hi.” Antikhazih’ kha in gen a, “Tua ‘Pa, Ta, KST’ min tawh na kituiphum zongin bangmah kilamdang lo hi, tui thehna, tui taakna, tua bang namte tawh hi leh kibang hi.” LST in Pasion pen puk theilo ci a, tua ciangin Amah kikelh theilo hi. Kua’ na sem ding na hiam? Nangma tungah kinga hi.

205 Tun nang in, “Amaute a tengkhawm thei uh hiam? Nang in, tua singkuang sungah, Siapa Branham aw, Ham leh Seth omkhawm hi na ci hi.” Tua hi, hi lua hi. Ham pen migilo hi. Seth pen midik leh biakna mi hi. Hoih ei.

206 Ham zuikhawm ni. Hoih ei, tun, Ham leh Seth pen singkuang kibang sungah om hi; khat pen midik, a dang khat pen midik lo. Tua singkuang sungah vakhu khat leh va-ak khat om hi. Pawlpi kibang sungah Judas leh Zeisu om hi. Pawlpi kibang sungah KST leh antikhazih om hi.

207 Tua ciangin, tuni, kha kibangte in nasem hi. “Pasion-mina lim nei a, biakna mi mahmah, ahizongin Pasion-mina lim nei napi a Vangliatna a nial mi; tua panin paikhia in.” KST, hong gen a, “Zeisu Khazih pen zanni, tuni, leh a tawntung in kibang hi.” Koi lamzaw ah na teel ding hiam?

208 Antikhazih in *Hih* pen upna laibu khat hi lel hi ci hi. “Eite in Sawltakte’ Upna i zuikik ding hi.” LST sungah Sawltakte’ Upna kimuhna mun nong gen nadingun kong to nuam hi: “Pasion, Thahatpen Pa, vantungte leh leitung a Piangsakpa; Zeisu Khazih, Ama’ Tapa ka um hi. A siangtho Roman Catholic Pawlpi, misiangte nekkhawmna ka um hi.” LST sungah tua danin kigelhin na mu hia? Na Methodist leh Baptist pawlpite ah na genkik ding hi. Dawi upna leh kamsang zuaute hilhna hi.

209 Na heh kei unla, ahizongin hih biakbuk bulphuh in ka gen hi. Branham Biakbuk ah na om uh a, tua panin na ngah uh hi. Misiangte nekkhawmna a um khatpeuh pen kha mitna hi. “Pasion leh mite kikal ah Palai khat a om hi, tua in Mihing Zeisu Khazih hi.” Mary bangzah a pha zongin phamawh lo hi!

210 Numei’ khaici in tualai ah ah na mu uh hia? Numei’ khaici in tualai ah hong puakzia na mu uh hia?

211 Tuni en un, America. America pen dawimangpa' khaici hi. Tua bang hiam? Tua nu pen numei' minam khat hi. Na za khinzo uh a, "Hih in numei khat ii leitung hi." Tua hi. Tua in numei khat' minam hi. Amau a lampi koih uh hi.

212 Hiah ka pai a, a sawt nailo lai, Switzerland gam ah. Numeite in. . . A neu khat, KST numei in, "Na thei, America ah pai hileng, amaute in numeite in suahtakna ngah uh hi ci hi."

213 Ken, "Bang in tua makaih hiam cih kong gen ding hi." Tua ciangin tua nu kiangah gen dingin ka kipan hi.

Tua nu in, "Oh, lainatna, tua bang ka deih kei hi."

Ken, "Tua in a makaihna mun hi."

Na thei, amau hiah a hihte dan uh hih lo uh hi.

214 Tua bang hiam? America pen numei khat hi cih kong lak ding hi. I sumtang tungah numei khat ii lim om hi. Hiah nakhempeuh pen numei khat hi.

215 Hong gen in, gam sungah kizopna kicing omlo a, tua pen. . . Hih khuapi ah kizopna sawmli na koih hi, tua ciangin numei kizuak thum, a melhoih numeite in lampi ah hong vak uh hi; tua bang mite in nuntakna tampi hell ah tun ding uh a, iplahna nungzui uh a, tua bang kizemna in nang pen khuapi sungah hong koih thei hi. Tua bang lian hi.

216 Tua leh kua hiam? Tua in numei hi. Tua numei kua hiam? Tua nu pen America' pasian hi.

217 Hih limlak siamte pawlkhat en ni; amaute in li vei nga vei zi nei pasal nei uh a, hun khat sungin pasal thum le li nei uh hi; hihte pawlkhat magazine ah suaksak uh a, a limte uh pen guaktang in om uh hi. Tua ciangin no nungak note pen na etteh ding uh hong suak hi, (banghang?) banghang hiam cihleh na mai-a na nu, na mai-a om na pi. gulpi khaici in koi ah nasem hiam cih na mu? Hilua, tua hi.

218 Bang hong sem khin hiam? Siatna in khang sawmleli ciangdong hong veh leh, thukham nuai ah, Tuni hong kivehkik hileh siatna pen bang hi ding hiam, thumaan' khaici in na a sem hiam? Pasian in a hun hong tung ding hi, Aman nasep tom sak kei leh, kuamah om nawnlo ding ci hi. Eite hun nunung ah i om hi. Tu nitak thumaan zong in; khuapi sungteng ah pai in!

219 Oh, pawlpi mite cihtakna thu na mu a, Baptist-te leh Presbyterian-te, cihte pawl zong om uh hi. Ahizongin tua dan namte kicih ding sangin Pasian tawh tonkhop ding a thupipen ahi hi. Tua tawh kisai bangmah theilo thei hi! Amaute in a theih uh: "Christian khat na hi hiam?"

"Kei pen Catholic khat ka hi."

"Christian khat na hi hiam?"

"Kei pen Baptist khat ka hi."

"Christian khat na hi hiam?"

“Presbyterian khat ka hi.”

“Christian khat na hi hiam?”

“Pentecostal khat ka hi.” Tua in bel Tua tawh bangmah kisai lo hi.

²²⁰ Nang pen Christian khat na hi hi banghang hiam cihleh Pasion, Ama’ hehpihna tawh, nangmah hong honkhia hi. Tua tawh kisai na thei hi. Na nuntakna hong khel thu khat om a, tua ciangin a tuamdangin na nungta hi. Nang pen Khazih Zeisu sungah mithak khat leh piansakna khat na hi hi. Hilua.

²²¹ Ahizongin gulpi khaici omna na mu hiam? Gulpi khaici pen bang hiam? Angkawmna. Na telsiam uh hiam? Eve tawh angkawmna. Tua bang thupiang hiam? Tua in bang hong puak hiam? Tu nitak tua pen bang hiam?

²²² Nung etkik lecin, kum beisate, la masa hong paikhia pen. No a upazaw deuhte, tua . . . Amaute in radio ah tuate a saksak ma un hih a kikham late sa zel uh hi. Tua ciangin a masapen khat hong pai a, tua pen in, “Nungakte aw, na etlawmnate uh lakkhia dih un,” cih dan in phuak uh hi. “Pa leh nu nuihsan unla, amaute khempeuh tungah ‘ha-ha-ha!’” ci un. Tua pen a masa a phuak uh ahi hi. Tu nitak tua la phuakpa koi ah om dingin na um hiam? Amah si ta hi.

²²³ Clara Bow kici, *Dangerous Curves*, la phuakpa ee, a lamlak nu in a silh puantualte dalkhat khit dalkhat suahin a lamna in nuntakna kha tul tampi hell ah puak hi cih na ngaihsun hiam? Tua nu pen a sih zawh hun sawtpi hi ta hi. Amah koi ah om hiam, a pumpi tawh? Lei sungah kivui a, a pumpi pen leivui suak a, lungnote in a vekpi ne tumkhin ta hi. Tua ciangin a nuntakna pen Pasion mai ah om hi.

²²⁴ Tua numeinu a puante laihsak in a kihhuai in a bawlsak pasalpa, tuate hawlkhia in a kilawm lo-in a bawlsak tuapa koi ah om hiam? Hi bangin ci hi, “Tua dingin amau bang hih uh hiam? Banghang amau tua dan namte silh uh hiam?” Banghang hiam cihleh pasalte in ong et ding uh na deih uh a, tua bangin na gamta lel uh hi.

²²⁵ Tua bangin na hih uh ciangin, mawhnei uham pawlkhat in note hong en ding uh a, tua ciangin bang piang cih na thei uh hiam? Thukhenna Mun ah . . . Nang in, “Siapa Branham aw, ka pasal tungah ka hihtheih zahin ka thumaan hi.” Angkawmna ah na mawhna hangin nang pen hong kisim ding hi. Zeisu in, “Mi khatpeuh in numei khat mawhpih nopna lungsim tawh a et leh a lungsim ah a mawh khinzo hi ci hi.” Tua mi in angkawmna hangin a dawnkik hun ciangin, tua hangin kua in mawhpuak la ding ahi hiam? Na puansilhzia in nang pen kua cih hong lak hi.

²²⁶ Tun, tua dan tuadan bek in puansilh unla nungta un ci-in a gen nuam ka hi kei hi. Ahizongin a zahtak huai numei khat bangin na om thei uh hi.

227 Tua ciangin hiah pai in, pheituam tom mahmah khat teng in, *tua* kimkot ah a muhthadah tuamtuam kizem henla, tua ciangin na tano in a mit tawh na kam sungah cigarette zatep hong mu henla, lampi ah tua bangin na vak hong en ding hi. Ngimna hoih lo tawh tua bangin na gamta kei ding hi. Tua thu hangin na siangtho kha mah ding hi, ahizongin dawimangpa in Eve tungah a sep bangin nang zong vanzat khat danin hong zang veve ding hi.

228 Banghang numei khat ii minam hi hiam? Banghang hiam cihleh tua in Catholic kalsuanna ukna ah hong makaih hi. Tuni tua bang hiam? Zeisu cih a pulakna kammal na za ngei kei hi. "A zahtak huai Mary! Mary, Pasion' nu aw! Misiangtho Cecilia!" Tua dan misiang a sisa misiang nam khempueh. Hiah a sawt nailo lai, hiah. . .

229 Mexico ah ka om a, nung kum hi. Hiah a hehpihhuai numei khat kikaitaal hi. A khukte, tua dan in amah om a, kisel hi; kap a, a khutte len hi. Tua ciangin a pa hong pai a, tano nih tawh hong tonkhawm a, tuate kap uh hi; a nu in tua bangin thuak hi; banghang hiam cihleh numei pawlkhat, amaute in misiang khat ci-in a sap uh pen, si hi. Mual tungah tua nu milim khat amau suang uh hi. A it pawlkhat in amah that hi. Tua ciangin tua bangin amah a kithat khit phetin, hihi, amah pen misiang khat hi; amah pen Catholic hi. Tua ahih manin numeinu in kisikkikna bawl dingin a pai ciangin; tai nih bang suanghum tungah a kisikkikna dingin kikaitaal hi.

230 Sanggam aw, ka hih ding na khat a om leh, Zeisu Khazih pen vangsia takin si hi. Hehpihna tawh, kei hong kihon hi; keimahmah hang hilo, ahizongin Pasion' deihna tawh, leh Pasion' hoihna tawh hi.

231 Tua thu tangkote in kei hong dong uh a, "Mr. Branham aw. . ." A tawmeik, naungek misi pen hong nungtakik a, tualai ah thu tawm piang hi. Catholic tul sawmthum. . . Hilo, khial ing ei. Tua pen tul sawmnihi. Tul sawmthum pen Africa hi. Catholic mi tul sawmnihi in Khazih pen a Honpa un sang uh a, hun khat sungah, tua bang hong pian pen Mexico Khuapi ah hi. Tua siampite, amau bangmah ci theilo uh hi; mi tam lua mahmah uh a, buaina lianpi khat hong kipan lian uh hi. Tua lamah mi tam lua mahmah hi. Tua ahih manin aman, "Mr. Branham aw, i misiangte in nangmah bangin ahih thei dingin na um hia?"

232 A upna laigil uh theihna tawh, ken, "Hilua, amau a nuntak uhleh." Mu hia? Tua ahih manin, misi khat na hih dong Catholic misiang khat na hi thei kei hi, na thei.

Tua ahih manin aman, "Oh, na sih dong misiang khat na hi thei kei hi."

233 Ken, "Tua pen koi ah sim na hi hiam? Paul in, 'Ephesus ah a om misiangte tungah,' ci a, tuate pen Pasion sap mite ahi uh hi. 'Ephesus ah a om misiangte tungah,' aman a laikhak sim

hi; tua ciangin mun dangte ah a om misiangte, Galatia ah, tua ciangin—tua ciangin ‘Rome ah a om misiangte,’ cih bangin om hi. *Misiangte*, ‘a kisiangtho sakte’ cihna hi. Tua ee leh?”

²³⁴ Aman, “Hilua, tun, LST thu kisel ding i hi kei hi. Banghang hiam cihleh, eite pen pawlpi i hi a, pawlpi in acih tua hi. LST in bang gen hiam cih awlmawh lo hi hang. Pawlpi in a gen bek hizaw hi.” Tua banah, “Catholic pawlpi pen bangci na muh hiam” hong ci hi.

²³⁵ Ken, “Tua thu hong dong kei lecin ka utzaw hi. Banghang hiam cihleh nong dong a, Thutak kong gen ding hi.”

Tua ciangin, “Thumaan thutak nong gen ding ut ing” hong ci hi.

Ken zong, “Khathu tawh kisai a sangpen ka theih om hi.”

Aman zong, “Tua bangci ngah na hia?”

²³⁶ Ken zong, “Misi tawh kisai a thuumsak khatpeuh pen khami khat hi.” Ken, “Tua misiang in hong paupihkik leh, amah pen hell ah om cihna hi. Banghang hiam cihleh, tua lampi a kantante pen, ka LST in hong genna ah amaute hong paikik thei nawn lo uh hi.” Tua hi. Tua banah ka pau beh a, “Tua bang hileh, amah pen misiang khat hi zen leh, misiang khat bangin dawi in hong hopih hizaw hi, tua pen misiang hilo hi.”

²³⁷ Tua ciangin aman, “Tun, na khawl dih in.” Hong ci a, “Nang zong misi tawh kisai na thuumsak hi.”

Ken zong, “Koi ah maw?”

Aman, “Zeisu Khazih si hi.”

²³⁸ Ken, “Ahizongin Amah thokik hi, Amah si hilo hi, ahizongin thuumsakna bawl dingin Amah nungta a, Pasion leh mihingte kikal ah Palai Amah bek hi.”

²³⁹ “Amah misi cih ka thei hi, tua ciangin thokik hi, a tawntung in nungta hi. Sihna leh hell tawhtangte ka nei hi.” “A ut peuhmah, hong pai in Nuntakna tuite pan a mawkna in dawn ta hen.” Kalai! Tua pen i Pasion hi. Tua pen i Pasion hi.

²⁴⁰ Tua ciangin thumaan’ khaici pen hong bei dektak ta hi. Hih nate tawh kisai mite tungah gen un. LST lampi ah paikik ding cih mite tungah gen un. Tua a lamdangte tawh kisai mite tungah gen un. Tua tawh kisai mite tungah gen un. A “pawlpi in Tua um lo hi,” tua ahih manin amaute pen zawltate, Pasion tungah ahi uh hi. LST in a genna ah eite in bawlsiatnate leh haksatnate, gensiatnate, “uangtat-te” cih bangin hong kicihna i thuakzawh kei leh, na thuakzawh kei leh, nang pen zawltate na hi a, Pasion tate na hi kei hi. LST in ci hi.

²⁴¹ Kei pen “a uangtat-mi,” ci-in nong sap nop leh ngah hi. Na ut dandan un hong sam un. Ka lungtang pen Pasion tawh a dik nak leh, ka tuakhak thu in Pasion’ LST tawh a kituak nak leh, hih mainawtna pen mah ah ka pai hi. Hihi, sia. Tua pen i up thu hi.

Tua pen a nungta Pasion Pawlpi hi a, bawltawm thu upna tawh hong pai hilo hi. Mihing-bawl pawlkhat, khuak lam ngaihsutna cihte tawh hong pai lo hi. Tua pen Zeisu Khazih ahi Thutak hong kilaakna ahi Pasion Tapa in hong pai hi.

²⁴² Khuak lam ngaihsutna bek tawh a nei hi zen leng, banghang hiam cihleh Baptist pawlpi ahkl Methodist pawlpi in hih thu *tuabang-tuabang* kei tungah hong hilh hi, hih LST ka zak hun ah hi a, LST pen . . . Kei pen “Pa, Tapa, leh KST” min tawh ka kituiphum khith leh, hih LST ka sim ding hi, tua ciangin thuhilhsia khat in kei tungah Zeisu Khazih Min lo a dang tawh kituiphumna LST mun khatpeuh om lo cih hong hilh leh, tua ciangin ka sim a tua in Thutak hi cih ka thei hi, tua ciangin manlang takin tai in tui omna mun ka zuan ding hi. Hihi, sia.

²⁴³ Mi khatpeuh in keima tungah Zeisu Khazih pen hong damsakpa khat hi cih hong gen leh, tua ciangin ka pawlpi in kei tungah hong gen a, “Tua a lamdangte bei ta hi,” tua ciangin damna ka kizam a, ka hih theihzah in tokhom lam zuanin ka tai ding hi. Tua bang hi ing.

²⁴⁴ Kei pen thuhilhsia khat ka hih leh, ka pulpit ah numei thuhilhsia khat ka neih leh, tua LST sungah ka sim a tua numei in thuhilh ding hilo cih ka mu a, tualai pan amah ka hawlkhia ding a, ka nunglam ah ka seel ding hi.

²⁴⁵ Phawk un, Sanggamnu Wright ii omna mun ah zan khat, a tut na phawk uh hia, numei khat in tua bangin hihna hangin kongpi pualam ah kei pen hong lawnkhia ding hi. Hihi, sia. Ken zong, “Ka pawlpi ah na lui . . . tawh nong pai kei ding hi.” Amau tua silh zel uh a, ahkl hi danin a puante uh attan uh a, tua ciangin a nuizhak huai mel puakna, leh a pumpi uh a lang bang kidawk mawk hi. Ken zong, “Ka pawlpi ah amau hong pai ngei uh hileh, amaute ka koihkhia takpi ding hi.” Tua ciangin hiah nungak khat om a, tua nu in a sih ma in; a sih ciangin thugen dingin kei hong sam hi. Amah pen Catholic nungak khat hi a, tua dan in a om numei khat hi. Ken zong ka nunget kik a, amah ka encik hi, tua ciangin amau la sa uh hi. Ka puantung silh suahkhia in, tualai ah ka pai a, tua nu liangkote panin ka man hi. Ken zong, “Lawm aw, ka thugen nong ngaih ding leh, Pasion’ pawlpi sungah na om laiteng hih puantung silh nong silh thei ding hia.” Mu hia? Hilua.

²⁴⁶ Tua numeinu in tualai ah a khe tat a, a muk phun hi. Tua ciangin innpi sungpan paikhia hi. Tua nu in, “Aman biakna nei hi leh, ka bawngpi nangawn tua bang biakna ah ka phal kei ding hi” ci hi.

Ken zong, “Patau ken, tua nu in nei lo ding hi.”

²⁴⁷ Tua khith ciangin buuk ah, tua nu a sih ding ciangin kei hong sam uh hi. Tua numeinu in lungtang natna nei a, amah a si ding hi ta hi. A pasal hong pai hi. Amah, “Manlangin hong pai in!” Tua ciangin kei zong kimuhkhopna ah ka om hi. A lian, a sang

tangval, kongkhak ah ding a, kei hong ngak hi. Tua ciangin kei zong ka tai a . . .

248 Ka motor tawh pai-in ka tai hi. Ka paitoh ciangin, cina khoi nu tawh ka kimu a, amah pen Howard Park ah a teng khat hi. Tua nu in, “Reverend aw, nong pai ding kisam lo hi.” Tu ma kum sawmni h lai khawng hileh, hoihzaw kha ding hi. Tua nu in, “Amah si hi.” Tua banah, “Amah a sih zawh minute sawmthum khawng pai ta hi.” Tua banah, “Tua nu in a sih ma in, nang hangin a tha neihzah in ku veva hi.” Tua ciangin, “Nang ading thupuak khat ka ngah hi.”

Ken zong, “Bang ahia?”

249 Aman, “Tua thuhilhsiapa na gen in, ken zong, ‘Hehpihna tawh hong maisak in.’”

250 Tua nu luanghawm en ding in ka paisuk hi. A etlawm numei; tua nu in nasia takin thuak hi. A nak zong keu pian a; a mel bel hoih hi. Tua ciangin a nak keute, tua dan mel pua pian hi. Tua ciangin a mitte pen a mit bu panin paikhia hi, tua ciangin a lang khawng kidawk khia mawk hi. Hihi, a gilzangte leh a kalte pen hoih lo hi, tua banah a lupna tungah tuikhu dan vive hong paito hi.

251 Tua nu a pasal in kei ong en a, ong hopih hi, “Siapa Branham aw, thungetna khat ong neih sak in, banghang hiam cihleh tua nu in nang ong mu nuam hi.”

Ken zong, “Tun ama’ ading thungetna khat pen hoih nawn lo ding hi.”

252 “Singkung a kingak dan mah in, ong kia ding hi.” Mu hia? “Kikhem sak kei un; Pasian pen zahko ding hilo hi. Mi khatpeuh in a vawh bangin a at ding hi.”

253 Tua koi ah om cih na mu hiam? Tun bang piang hiam? Numei khat in tua ahih ding en un. Tua bangin a nunglam ah a nungta numeite en unla, a tate un zong bang hih hiam cih na mu uh hiam? Kha zaap khat. Kha zaap khat ii tanu bang hiam? Diangsuk diangto gawp in lam uh hi. A tanu pen bang piang ding hiam? Hum! Tua bang hiam?

Thumaan mi khai ci mu hia?

254 No Baptist te en un. Ni dang enkik pak lehang. John Smith, Baptist, founder pa enkik pak ni. Mite mawhna hangin amah thungen a, a mitte bang si bikbek in kiko in tua a mite adingin thungen hi, tua ciangin a zi in sabuai ah amah zingan a vak kul liang hi.

255 No Methodist-te zong, na nak uh leh na bilte kimkot ah suang manphate tawh kidim in, dawi’ ading a kizem tawh kibang liang hi; pheituam tom mahmahte tengin, tua dan namte tawh a uangtakin na kizem uh hi! John Smith, Methodist pawlpi’ makaite khat, kum sawmgiat-le-nga a sih ma in, sermon tomno khat, kum li hiam, ahkl nai li hiam zang hi. A pawlpi mite

in amah pua uh a, pulpit ah tu sak uh hi. Hiah ama' kammal nunungpen om hi. Aman, "Methodist pawlpi gamtatna hangin ka linglawng peuhmah hi." Tua banah, "Methodist pawlpi' tanute nangawn in a khutme tungah kham zungbulhte bulh uh hi." Tun bang na ci ding hiam, pheituam tomte tengin choir late na sak ciangin?

²⁵⁶ Na hoih hih mahmah hi. Bang thu piang hiam? Na nu mah bangin na gamta hi. Tua bang lian hi.

²⁵⁷ Tua thu hangin pawlminte tawh kipawlnate khat zong i deih kei a, hih pen: "Eite Methodist-te i hi hi. Eite Baptist-te i hi hi." Eite pen Khazih pan i hi lel hi. Tua dante nusia unla, suakta un.

²⁵⁸ Tun, gulpi khaici mu hia? Numei khat pen tua danin piang sak hiam? Tua pen bang ci diam? Bang hiam? Amaute in hong zom suksuk uh hi. Amaute in Baptist nawt uh a, Methodist nawt uh a, Presbyterian nawt uh hi. Amau bang hih ding uh hiam? A vekpi in nawtkik uh a, a nu uh, a kizuak nu bangin nawt kik uh hi. Amaute khempeuh in, numei kizuak nu bangin gamta uh hi. "Tua in bangmah kilandang sak lo hi. Amau pen kiphum khin uh hi. Amau pen tui kitheh khinzo hi. Amau, amau hong pai khin uh a, pulakna bawl uh hi. Amau kha guk khaamna nei uh hi; tua hun sung pen tam dawn lua het lo uh hi. Amau member hoih bawl uh hi. Amau hoihtakin pia uh hi. . . ." Oh, kalai! Tua in Kha gahte tawh bangmah kisai lo hi.

²⁵⁹ Kha gahte pen "upna" hi a, Zeisu Khazih pen zanni, tuni, leh a tawntungin kibang cih upna hi; sanggamte' ading "itna;" "lungdamna, lungnopna, thuakzawhna, hoihna, migitna, lungduaina, lungnemna, cihtakna." Tua thute hi, Kha gahte.

²⁶⁰ Tua ciangin mi khat gentehna in zang lehang, "Amah pen a venglepam ah nuntak hoih in nungta khat hi." Tua mah bangin Esau zong nungta hi.

²⁶¹ Esau in kuamah na sak lo hi, Esau pen dawimangpa pan hi; ahizongin Jacob pen, naubu kibang sungpan, Pasian pan ahi hi. Dawimangpa khaici; numei Khaici, Pasian Khaici hong paikhia hi.

²⁶² Tun, na mu, hite khempeuh hiah hong pai a, tuni leitung ah bang omlai hiam? Hih thu khahtakin kong gen ding a, hih i pai khit ciangin, mai kimuhkhopna ah khanlawhna i kipan ding hi. Limlemel nei khat ahiah kul hi. Tua banah, hehpihna tawh, hih pen a siangtho a ci ka hi kei hi. Tua dingin a gen ka hi kei hi. Tua pen zawlta, nulehpa kician neilo ta pana biakna vai, a lian, mun khat ahiah kul hi. Tua pen ka ciapteah tawpna hi. Tua bang lian in hong pai hi. Tua pen thumaan thutak hi cih na thei uh hi. Pawlpi-zom leh pawlpi-mite cihna, "Pasian-mina lim nei napi, a Vangliatna a nial mi," tua pen biakna mi mahmah uh a, zawltate ahihna mun khat ah hi. Tua bang lian ahi hi.

²⁶³ A banzom ah bang om hiam? Rocket kikhai a, tuate tampi, bomb-te leh nakhempeuh. Amaute in hong tun ding hun ngak uh

hi. Tua ciangin tui tawh a kisuksiat bangin, mei tawh suksiatnya ngah ding uh hi.

264 Tua banah, lawmte aw, na hih bangbang uh, Christian khat na hih uh leh, na lungsim ah Pasion na nei a, sihna panin Nuntakna ah kantan khinzo cih na thei a, leitung bup ah a lungdampen na hih ding kilawm hi.

265 KST in nangma sungah a om ciangin. . . LST in ci hi, “Zeisu Khazih pen zanni, tuni, leh a tawntungin kibang hi”: pawlminte in, “Ahizongin alamdangte beita hi”; KST in, “Amen, Zeisu Khazih pen zanni, tuni, leh a tawntungin kibang hi. Tua bang hi ta hen.”

266 LST in, “Kisikkik unla, na mawhna uh hong kimaisakna hangin Zeisu Khazih Min tawh note khatciat tui kiphum un, tua hileh KST na ngah ding uh hi. Ahangin hih thuciamna pen note tung, na tate uh tung, leh gamla pek ah a om Gentile-te, Topa i Pasion in a sap mite. . .” (Topa i Pasion in a sap ding mite, mu hia, Methodist-te tuazah sam ding, Baptsit-te tua zah sam ding cih dan hilo, ahizongin Topa i Pasion in a sap ding mite, hih KST ngah ding uh a, tua ciangin Zeisu Khazih Min tawh kituiphum ding uh a, LST in a cih): tua in nang hong sat ciangin, nang in, “Amen!”

267 Pawlpi in, “Oh, kilamdang lo hi.”

268 Ahizongin hih KST in nangma sungah omin “amen” ci-in Ama’ Thu tungah ci ding hi.

269 “Mihing in anlum bek tawh nungta lo ding a, ahizongin Pasion’ kam pana pusuak Thu tawh a nungta ding hi.” Tuah na om hi.

270 LST in apple nekna in tua tun hong kipan ding hi a cihna mun hong lak dih un. Amaute in apple ne uh hi a cihna mun hong lak dih un. Cain in tua mah ngaihsun a, ama’ khaici in tua mah ngaihsun lai hi cih kong lak khinzo hi.

271 Ahizongin Pasion’ khalam kilaakna in lak a, LST tawh, mihing leh numei kikal, thukhun tawh kituak lo-in, mawhna hong bawl uh hi. Tua panin na ngalkhawhangte hong paikhia hi. Tua panin na mawhna hong pai hi. Tua mun pen na siatna hong paina hi. Tua panin hong paisuk hi.

272 Tun hih—hih khempeuh ciamteh un, gulpi pen a zah nih in pil hi. Ama’ suan pen a tawntungin a zah nih in siam den hi. Tua ciangin hih pulpit tungah kahto in hih mike ka khut tawh ka man ding a, pulpit tungah ka khe tawh ding kawmin, hih thu ka gen ding hi. Tua ciangin, tuni, na khuak pilnate koi ah om hiam? Na pastor pen manta a, tua ciangin khuak pilna lam bek tampi nei henla, amah hong ding leh; amah pen gam sungah pawlpite’ lianpen pastor hi-in, tua bang dan hileh. Gulpi khaici koi ah ding hiam? Tua dan pilna munte ah; siam, a pil ngiat. Tualai ah amah om hi. Amah tualai ah kinga hi.

273 “Vangliatna tawh hilo, thahatna tawh hilo, ahizongin Keima Kha tawh, Topa in ci hi.” Mu hia? Tua lai mun ah nang . . .

274 A kiu ah sanggampa khat ding a na mu hi, a mitte pan khitui hong luangin, guitar lui khat hong tumin, tua ciangin, “Sanggam aw, hong pai in, Topa zong in!”

275 Pastor pa hong pai a, hi bangin ci hi, “Huh! Ka mipite in neilo hiam . . . Banghang, ka kipawl kei ding hi, tua bang hilo . . . Liddy leh Jonny leh tuate in tua bang mun ah kei hong muh ding ka phal kei hi.” Pai suak in, dawimangpa' khaici, nang pen Tawntung mailam ngat in na mitsuan hi. Tua hi. Tualai ah kammal dang khat gen hileng a hoih ding hi, tua ciangin “zawl tate,” tua banah tua a omna mun ah hilel hi. Ahangin, na mu, nang . . .

276 “Ka Pa in a kaih loh mi peuhmah Ka kiangah kuamah hong pai theilo hi. Ka kiangah hong paite khempueh, ni tawp ni ciangin Ka thokik sak ding hi. Kuamah a mangthang kei ding hi. Ka ngah hi. Ka kem hi. Kuamah in hih zo lo a, Hih simloh.”

277 Ama' sungah a vekpi om hi. Nang in, “Na khat ka hih khin hi” na ci thei kei hi. Tua pen Pasion' hehpihna tawh a kizozo ahi hi. Tua ahih ciangin, bangmah ka hih zo kei hi. Ka hih ding na khat ka nei ngeikei hi; na nei ngeikei hi. Na khat zong na ngah kei hi. Pasion in a vekpi hong sep sak hi. Tua pan khen khat dingin na khutme zong na hei ngeikei hi. Nang in, “Ee, innkuan hoih khat pan kong paikhia hi. *Hih* ka hih hi” na ci kei hi. Tua pen na khat hih kul lo hi. Pasion pen tua ahih Pa Khat hi; Pasion in khualna nei hi.

278 Tun lungnuam keng ei, sawmlekhat bang a sat ding sa keng, ahizongin bangbang hileh ka khak ta ding hi. Mu hia?

279 LST in hih thute a gen pen Thutak hi cih kua teng in na theitel uh hiam? No Branham Biakbuk mite, a diakin. Tun, tua pen seh sawmleguk pan seh khat pen i hilh leh i up thu ahi hi. Ahizongin, phawk un, no a gei-a a dingte, hih thu kong gen kha ding a, member khat bangin hong pailo note. Hih thu ka upzia lampi, *Hih* in LST hi a, LST pen Pasion' Thumaan thutak hi.

280 Tua ciangin ka um uh a, tua, Thuciam Lui ah, tun, amaute in thumaan thutak ahi thu theihna ding lampi nei uh a, thumaan thutak lo zong thei uh hi.

281 Tun, amaute in thukham gelh khinzo uh hi cih amau thei uh hi. Mi bangzah in na thei uh hiam? Thukham, singkuangpi sunga om thupiakte, cihte pawl; hoih ei, thupiakte tungah om thukham. Tua ciangin, “Ang na kawm kei ding hi. Angkawm mi suang tawh kideng lum ding hi” ci hi. Mu hia? Tua pen thupiakna hi a, thukham pen thupiakna tungah om hi. Tun, singkuangpi pen *hih* danin om hi; thupiakte pen tua lai ah om a, tua ciangin thupiakna thukhamte singkuang' pang tunga ipite sungah om hi. Hiah mipa hong paisuk a, angkawm leh; hiah ong paisukin thukham in “amah suang tawh deng lum in” ci hi. Amaute in

amah pen suang tawh deng lum uh hi. Tua pen thupiakna tungah om thukham hi.

282 Tun amaute in theihna lampi nih nei lai uh hi. Kipsakna om bangin, thum hiden hi. Amau theihna lampi a dang khat nei uh a, tua pen kamsangpa khat ahkl mang manpa khat ahi hi. Mi bangzah in thei? “Note lakah a kha mi a kici khat na om uh leh ahkl kamsang khat, Keimah Topa in tua mi tungah mang sungah Keimahmah kilangin amah muhtuamte sungah Ka hopih ding hi.” Tua hi. Tun, amah pen kamsangpa hi.

283 Tun, mi khat hong pai henla, tua ciangin, “Oh, Hallelujah, ka ngah hi! Tun Topa Min tawh ka kamsang hi. Kilaakna ka ngah hi.” Amaute in tua danin pai sak lo uh a, note dan mah in. Amaute in Pasian pan hiam cih sittel masa uh hi.

284 Tun, Aaron’ awm tungah amaute in Urim leh Thummim kici nei uh hi. Mi bangzah in tua kammal za ngei? Tua pen bang hiam? Suangtum sawmlenih, a lang tuak ah guk ta, beh sawmlenihte; jasper, Judah, cihte pawl, hong paisuksuk a, suangtum sawmlenih. Tua khit ciangin amaute in hih kamsangpa, ahkl mangman pa, tua ciangin hih awmtuam khai uh a, tualai ah amah ding sak uh hi. Tua ciangin amaute in, “Tu-in kamsang inla na kamsanna thu hong gen in” ci uh hi.

“Topa in kei tungah tua bang—tua bangin hong hopih hi.”

285 A taktak tawh a kibang phial zongin phamawh lo hi, thumaan thutak tawh a kibang mahmah phial zongin phamawh lo hi; ahizongin tua khuavakte hong taang khop tuak keileh, sakhituihup mel hong pai-in, Urim leh Thummim ah, tua khuavakte hong taan khop kei leh, a lamdang takin nasemin, kipsakna a neih kei leh hilo hi. Mu hia, Pasian in a tawntungin Ama’ Thu tawh kipsak hi. Mu hia? Tua ciangin tua a lamdang khuavakte tualai ah hong taang lo a, tua ciangin bangzah in a taktak tawh a kibang zongin ka awlmawh kei hi, tua pen khial hi.

286 Mang man khat in, “Mang khat ka man hi, hih mang pen in, tua, ‘Israel a kikin ding kul a mun khat ah pai leh hoih hi, banghang hiam cihleh Syrian-te in *hih* lamah hong pai ding uh a, hong do ding uh hi.” Amaute in tualai ah mangmanpa la uh a; a mang pen gen sak hi. Tua khuavakte hong taan kei leh, amah khial hi, bangzah ciangdong hiam. . . Syrian-te in galkidona ah a om khit uh leh, amah khial hi. Hilo hi, sia. Amaute, hilua, Urim leh Thummim tawh a kilah kul hi.

287 Tun mi khempeuh in siampi nasepna pen beita cih thei uh a, tua tawh bangmah om nawnlo hi, Urim leh Thummim pen manta hi. Tua i thei hi, hilo hia?

288 Tua ciangin siampi nasep thak pen hong pai khinzo hi. Bang hiam? Urim leh Thummim tuni i nei hiam? Hihi, sia. Pasian’ Thu hi! Hihi, sia. *Hih* ahi hi. Mi khatpeuh in kilaakna khat dan a neih leh, ahkl thu khatpeuh a gen leh, ahkl upna thu khatpeuh

LST tawh a kituak lo . . . hih LST tungtawnin Pasion' Thu kigen bangin ahieh keileh, amah khial hi. Bang pawlmin ah a om zongin phamawh lo hi, bangzah in a hoieh zongin, bangzah ciangdong in a siam zongin, pilsinna a nei zongin; amah pen khial hi.

²⁸⁹ Tua ciangin mi khatpeuh in hih thute nangma tungah hong gen ciangin, tun pawlpi ah hiah eite in i hilh khinzo hi, nangma tungah hong gen in, tua, "Na theh leh, tua hoieh hi," aman nangma tungah zuau hong gen ahi hi. Tua in Urim leh Thummim taang zaizai sak lo ding hi. Aman nang tungah hong gen ciangin, tua, "Tui buah pen hoieh hi," hong cih leh zuau hong gen ahi hi. Aman nang tungah, "Tu-in 'Pa, Tapa, KST' min tawh kithuiphum pen, hoieh hi," hong cih leh zuau gen hi. Aman nang tungah, "A lamdang om nawnlo hi," hong cih leh zuau hi. Aman nang tungah, "Numei thuhilhsia suah ding pen hoieh hi" hong cih leh zuau gen hi. Aman nang tungah, "Pai inla na pawlmin ah khauh in hong cih leh," zuau gen hi. Tua in Urim leh Thummim taang zaizai lo ding hi. Tua ciangin nate a dozen in hong paikhia a, tua "NUMEI KIZUAKTE NU," hong pai suk hi, tua ciangin pawlmin panin eite banghang a gamla om i hi hiam.

²⁹⁰ I sanggamte leh sanggamnute tua pawlminte sungah om uh a i it hi. Ahizongin na pai kei a, tua ciangin, "Kei pen Methodist khat ka hi," tua in nang pen Christian khat hong suak sak hi. Nang pen Christian khat na hi hi banghang hiam cihleh Pasion' Kha pan na suak hi. Methodist ahkl Baptist na hih kul lo hi. Khat zawzaw na hih kul tuan lo hi. Pasion' Kha pan na suahkik kul hi. Na um hiam?

²⁹¹ Hih bulpите tungah, mi khatpeuh a om a hih biakpiakna kipawlна sungah hong pai-in hong kipawl nop leh, tui sungah a kidiah nop a Zeisu Khazih Min tawh a kiphum nop leh, hiah bual om hi. Amaute in minute khat sungin kituiphum ding uh hi.

²⁹² Khatpeuh, hiah tampi a om leh, hong pai nuam khatpeuh a om leh, lampi dang khatpeuh tawh om hiam? Hiah i om hi. Tua hi.

²⁹³ Tun, eite—eite in pawlmi hihna khatpeuh i nei kei a; hih pawlpi ah hiah nong pai ziau lel hi. Methodist pawlpi, Baptist pawlpi, Presbyterian pawlpi sungah Khazih om cih i um hi. Tuate khempeuh sungah Aman pawlmi nei ciat hi. Tua ciangin tuni bang kisam hiam; kamsanna zuau in tua nate hong puak a, tua pawlpite thuhilhna, tua pen LST tawh kilehbulh sitset hi.

²⁹⁴ Tun, mi khatpeuh in kei tungah Tua thu hong kician sak hileh, keimahmah in kician takin . . . Ka sungah Pasion' Kha kicing takin om cih ka um a, LST kankhia-in ka bawlpha ding hi. Thuhilhsiapa tawh kimu dingin pai-in khut ka let ding leh, laibu sungah ka min koihin, tua ciangin ka lungsim ah muhdahna leh hehna nei lai veve in, kilemlohna nei lai veve in, tua kawm mahin Zeisu Khazih pen hong Damsakpa hi, cih bangin um thei lo hi ing, tua bang hileh Pasion tawh manlang takin, kilemna ka nei

pah ding hi. Ka hih ding pen um taktak ing. Tua thu ah kician takin ka om ding hi. Pasion tawh ka kilemkik ding hi. Baptist khat ka hih man ahkl Methodist khat ka hih manin cih hilo-in, ka lungsim ah Christian hihna ka neih manin ka pai ding hi. Ka hih ding hi. Hihi, sia.

²⁹⁵ Tun hong tung ding khanlawhna, Topa'n hong thukimpieh leh, hong tung ding Nilaini nitak hun ah kipan ding hi. Hih a bulpите tungah om hi.

²⁹⁶ Ngai un, lawmte, a taktak leh a nungta Pasion om hi. Tua hi. Zeisu Khazih pen Pasion' Tapa hi. Tua ciangin tuni in KST pen Pawlpi sungah om hi.

²⁹⁷ Tun, mi khatpeuh in kei tungah hong gen dingin om hileh, muanlahna ka nei kha ding hi. Ahizongin, ngai in. Ni khat, tangvalno khat bangin, singkung nuai ah ka ding hi; Amah ka mu hi. Amah ka za hi. Aman kei tungah hong gen a, tua ciangin, "Tua numei hoihlote kiangpan kikem in. Cigarettes zate pan kikem in. Zudawwna, a hoihlo hihna, leh tua namte khempeuh panin kikem in. Na gol ciangin nangma' ading nasep khat ka nei hi." Amah pen a taktak, a nungta Pasion hi-in Ama' Thu tawh om hi cih ka thei hi.

²⁹⁸ Ka gol ciangin, Aman kei hong muhzia, Aman kei hong hopihzia! Amah ka muhzia, sawlbawk meikuang bangin, Meikuang hong kin kawikawi hi! Amah a pau ka muhzia leh hong piang ding thute hong gen hi; tua ciangin, hun sim ah, tua pen kituak setset a, kicing mahmah hi.

²⁹⁹ Tua a kicing nate pen hong gen Khat om hi, tua pen in hih LST hong hilh ding Khat hi-a ken zong Tua ka hilh hi. Tua hi. Tua ahiah manin, Tua pen Pasion kiangpan hong pai hi. Kei tungah, Amah pen Pasion Thahatpa hi a, Amah pen zanni, tuni, leh a tawntung in kibang hi.

³⁰⁰ Zeisu in, "Pa kiangpan Kong pai a, Pa kiangah Ka ciahkik ding hi." Amah hong pai ciangin . . .

³⁰¹ Gamlak ah Amah pen Pasion hi a, Amah pen a kuang Khuavak khat hi. Tua ciangin mi bangzah in tua thu na thei uh hiam? Amah pen a kuang Khuavak, Mei Khuampi hi.

³⁰² Amah leitung ah hong pai ciangin, Amah in, "Pa kiangpan Kong pai a, tua ciangin. . . Pasion kiangpan Kong pai a, Pasion kiangah Ka ciahkik ding hi."

³⁰³ Amah si in, kivui in, thokik a, tua ciangin Paul in Damascas paina lampi ah Amah mukik a, tualai ah Amah bang hiam? Mei Khuampi bangin kilak hi. Hihi, sia.

³⁰⁴ Leitung ah Amah a omlai in Aman bang hih hiam? Aman Paul tawh a kimuh ciangin Aman bang hih hiam? Aman bangci bangin amah sawl hiam? Bangci nasem ding leh bangci kamsang ding cihte a kipan a tuamtuam hilh hi; a khutte ama' tungah nga in damna ngah a, muhtuam khat zong mu hi.

305 Tua Zeisu pen mah tuni om hi, tua nate mah sem a, Mei Khuampi hi lailai hi, tua thute mah hong hih a, Ama' Thu tawh, limte leh a lamdangte tawh kipsak lai hi. Christian khat ka suah manin ka nuam mahmah hi, bang hih ding cih ka thei kei hi. Christian khat na suah manin ka nuam hi.

306 No, hiah biakbuk, hih min khel ding cih note tungah kong genzo hi. Branham Biakbuk cih min pen dik lo hi. Tua pen mihing khat hi lel hi, mu hia. Tua a min i khel ding a, min dang khat i pia ding hi. Tua pen tawlkhat khit ciangin i sem ding hi. A nungta Pasion' pawlpi khat suah ding ka ut lel hi. Methodist, Baptsit, Presbyterian, Pentecostal cihte ka ut kei hi. Kei . . .

307 Tua mite khempeuh, ka lungsim khempeuh tawh ka it hi. Koi pen kua hiam cih ka thei kei hi. Kong gen thei kei hi. Thu ka gen kul hilel hi. Ngen ka paai-a kai ding hi lel hi. Uiphukte zong om a, tui momte zong om a, tua ciangin tui gulte, tua ciangin ngasate zong om hi. Tua a khensat ding pen Pasion thu hi. Ngen ka kai lel a, Thu genkhia-in tua ka kai hi, tua ciangin, "Hiah amau om hi, Topa aw, tokhom kimkot ah. Nangma' A Na thei hi; piansak a kipan amaute Na thei hi. Koi pen kua hiam cih ka thei kei hi. Na thei hi, tua ahia manin Nangma thu hi, Topa. Ka hih theih tawpin ka hih hi. Hiah ka pai ding a tun mun khatpeuh ah ngen khuh ding hing, tua ciangin pawl dang khat ka man ding hi. Tua hi lel hi ka sep theih." Hoih ei.

Oh, khualzin bangin ka kingaihsun hi,
 Khualzin bangin ka kingaihsun hi;
 Ka Vantung inn pen taang in hoih hi,
 Khualzin bangin ka kingaihsun hi.

308 Tun phawk un, mi khatpeuh in kimuhkhopna a neih leh, hiah Mr. Mercier hopih un: BUtler 2-1519. [Telephone number pen kikhel khinzo hi—Ed.] Note tawh kimuh nuam ding hi hang. Na itte uh hong pai leh, tua khanlawhna hun sungteng hong paisak mengmeng un . . . Tun tunitak a kipan, keimahmah ah, ni nih sung, keimahmah ah ka pai ding hi.

309 Hi danin, thusin dingin ka pai ding a, "Topa aw, kei Nong nai hi. Hiah Na omlam ka thei hi. Na Thu in Nangmah hong nai mite Na nai ding hi ci hi." Tua Mei Khuampi hong kikin dong ngak in thu ka ngen hi. Tua ciangin kiging sa in om cih ka thei hi. Tua khit teh cinate ading hun ah ka pai ding a, thungen ding, tua ciangin cinate ka huh theih om bangbang ka huh ding hi.

310 Tu-in na migitna uh hangin lungdam ung. Tua ciangin nong pai uh ciangin, umin hong pai unla, kikhopna lianpi khat nei ding cih i lamen hi. Tua thu ka gen nuam hi . . .

311 Sanggampa Jeffries, tu nitak hiah a om hiam? Sanggampa Jeffries leh ama' nasepna hangin lungdamko nuam hang. Tuikulhte ah paikik hi dingin ka um hi.

312 Sanggampa le Sanggamnu Wright tawh, tua ciangin no tampite tawh kimuh theih manin lungdam hang.

313 Hiah sitni Robertson zong ka mu a, a sawt nailo lai-in, hiah hong pai hi. Khatvei ni a a hunzat thupuak hangin ama' tungah kipahtawi tuahna ka nei nuam hi. Amah pen kua hiam cih kuaman gen lo hi. Tua pen zumhuai khat hi. Amah pen kamsanna thu ah thupuak hoih khat nei a, tu nitak ka gengen tawh kibang hi.

314 Tua banah, tua ciangin, tu zingsang hiah Pasion nasem dang khat om hi, ahkl zan nitak, Siapa Smith, Methodist pawlpi pan hong pai hi. . . ahkl Pasion' Pawlpi, hiah om hi. Tu nitak amah hiah om hiam omlo hiam ka thei kei hi. Hih pulpit tungah na din ngei uhleh tua lampi na nunget uhleh, gen ding haksa pian hi; zai mahmah a, na mu, na gen thei kei hi. Hiah na om leh, Siapa Smith, lungdam ung.

315 Tua ciangin hih thu pen, hiah a tu, Georgia panin sanggampa khat om hi, hiah Sanggampa Collins gei-ah a tu pen hia? [Siapa Neville in, "He."—Ed.] Tu nitak hiah kimuhkik manin nuam ing, sanggam.

316 Tua ciangin no a dangte khempeuh, na vekpi un, kua na hi uh hiam cih khatciat in thei hi.

317 Hih pen sanggamnu leh sanggampa hiah hong pai-in tua hun a nungak nu ading thunget sak dingin hong pai pen hi, hiah om hi, siavuapa khat hih lamah tu hi. Topa in thupha hong pia ta hen, doctor.

318 Tun, hehpihna tawh kei hong do kei un, no sanggamte leh siate aw, banghang hiam cihleh hih thu ka hihzia lampi pen ka hih theihzah in ka khauh hi. Hih in i biakbuk hi. Tua ah i dinna hi a, tua Thu tungah Hih i koih nuam a, tua ciangin Tua tawh i lok hi. Tua khit teh, tua pan na paikhiat uhleh, i paikik ding a, "Na theizaw hi. Hiah awkhumna ah Hih om hi." Mu hia? Tuah na om hi. "Hiah awkhumna ah Tua om hi."

319 Tualai ah a om dingin a kilawm tampi i ngah hi, Leo. Ahizongin, ahizongin eite. . . Tua tampi na ngah hi. Tua tawh omkhawm in, tawlkhat khit ciangin Tua pan a dangteng i ngah ding hi. Mihing in, dawnpawl a nek bangin, "Tua pen hoih taktak hi, ahizongin pawlkhat kisap beh lai hi." Tua ahiah ciangin Tua panin tampi i nei beh lai hi, hong pai ding.

320 Topa in thupha hong pia hen, hoih mahmah hi. Eite in. . . Tun tuiphumna hun i zang ding hi. Ahi hia, Siapa Neville? [Siapa Neville in, "He, um mah ing."—Ed.] Tun a kituiphum ding khatpeuh a om hia? Kua na hiam cih awlmawh lo hi hang; hiah tui phum dingin i om hi. Na khut uh hong lamto unla, a kituiphum nuamte hong gen un. Mi khat, tua hi dingin um ing. . . Hiah numei khat om hi. Khatpeuh a om lai hiam? Tun, hiah pasalte leh numeite ading puan zong om hi.

321 Tun, hi bangin i ci kei ding hi, "Baptist pawlpi nusia in. Methodist pawlpi nusia in." Tua bang i ci kei hi. Na pawlpi ah nuamtakin om in. Ahizongin LST hong hilhna bangin tui

kiphum nailo na hih khak leh, Topa Zeisu Min tawh i sem ding hi. . . “Zeisu” Min bek tawh hilo ding hi. “Topa Zeisu Khazih” Min tawh hi ding a, tua pen LST hi. Na kituiphum khial thei hi.

322 Gun ah ka pai ciangin buaina ka nei nuam kei hi. Na khempeuh kician takin ka deih a, tua letmat zong ka len ding hi, mu hia, banghang hiam cihleh tua hun ah gam dang ka tung nuam hi. Tua mah a hih dingin kong gen nuam hi.

323 Na pawlpi ah paikik in. Tua hi, nang leh Pasian kikal ah kisai hi. Tua teng hi ei kong hilh theih.

324 Ahizongin Pasian' Laibu sungah kua kituiphum ngei uh hiam “Topa Zeisu Khazih” Min tawh hih uh hi. Tua ciangin tua a kituiphum mite tungah Paul in thu hong pia a, “Vantungmi khat in thu khatpeuh hong gen leh, amah kimawhpaih hen.” Tua mite tungah thupia a, kituiphum sak hi, tua ciangin “Topa Zeisu Khazih” Min tawh hih sak hi. Hoih ei. Aman hih hi. Aman ahih pen, eite hih dingin hong thupiak pen; tua eite in Pasian deihna om bangin i hih ding hi.

Khesilna i um hi. Nekk Hawthm zong i um hi.

325 Khazih nihvei hong Paikik ding, mit muh in, Topa pumpi mahmah tawh hong pai ding a; Kha tawh hilo, ahizongin Topa Zeisu minthang pumpi mah tawh hong pai ding i um hi.

326 Misite pumpi thawhkikna zong i um a, pumpi khat ngah ding, a lui leh a kisia hankhuk sunga om pen bei ding cih i um a; ahizongin a thak khat, khangno suah pumpi, a nungta tawntung ding i um hi.

327 A kisia theilo kha om cih pen i um taktak hi. Nuntak Tawntungna lim khat bek om a, tua pen Khazih Zeisu tungpan na ngah Nuntakna hi cih i um hi. Tua bang hi linlian hi.

328 Tua ahih ciangin, Tawntung mawhpaihna i um kei hi. Hell meikuang, a kuang zuahzuah i um a, ahizongin tawntung katna i um kei hi; tua bang hileh, Nuntak Tawntung na ngah hi. Nuntak Tawntungna khat bek om a; Tua pen Pasian kiangan hong pai hi. Tua hi. Nang pen hong kihal ding a, kum awn khat hiam, kum awn sawm hiam, ka thei kei hi, ahizongin Nuntak Tawntungna na nei kei hi. Nang pen na kang tawntung thei kei hi. . . Na kang tawntung thei a, ahizongin Tawntung hilo hi. Mu hia, Tawntung leh hi den cih kikal kilamdang hi. A *tawntung* in i cih pen a om den paisuak hi a, kammal zopna khat, “hun saupi khat” cihna hi. Ahizongin, Tawntung, Tawntung mawhpaihna na nei kei hi.

329 Nuntak Tawntungna na nei hi, banghang hiam cihleh Nuntak Tawntungna lim khat bek om hi. Tua ciangin Nuntak Tawntungna a nei mi, nungta a, Pasian' thupha sang tawntung hi.

330 “Ahizongin a mawh kha, tua kha pen. . .” Bang? [Mipite in, “Si.”—Ed.] Tua hi. Tua khit teh, tua in Nuntak Tawntungna

neilo hi. Hilua. Tua in a mawhpaihna nei a, ahizongin Nuntak Tawntungna neilo hi.

³³¹ Tua ahih ciangin, na mu, a kihilh ding na tampi om a, tuate nung ciang i sin ding hi. Topa in thupha hong pia hen.

³³² Tun hih la lui i sa ding a, i sanggamnu in hong tum ding hi. Hih a zahtakhuai numei pen. . .

³³³ Rosella, na nu ahi hia? [Sanggamnu Rosella in, “He.”—Ed.] Banghang, na lungtang in thupha ngah hen! Kimuhtheih lungdam ei, sanggamnu. Tua pen hoih mahmah hi.

³³⁴ Rosella Griffin, i neih lawmlegualte lakpan a hoihpen khat hi. Amah pen a khangno numei khat zu dawn mi khat hi; hiah no pawlkhat, mikhual zong na om ding uh hi. Rosella in tua ka gen manin phamawh sa lo hi. Tua tokhom tungah numeinu hong paitoh ciangin tualai pen. . . Indiana ah hi. A gina hetlo mi na mu ngei ding uh a, tua nu pen tuate khat hi a, zukham in om hi. Tua Chicago a om siavuan siam lite in tua nu pen. . . Leitung Bup Zudawna pan a khawl nuam mite kipawlkhopna [AA—Lailletpa.], leh tua dan nam khempeuh in amah beidong uh hi. Ahizongin zan khat numeinu kikhopna ah hong pai ciangin KST in a nuntakna lawng a hopihna ngah hi. Tua in nasem hi.

³³⁵ Tun numeinu en un, ka um hi, sawmthum gual khawng hi ding a, sawmlegiat bang kheng ta hi; a it huai, a melhoih khangno numei hi. Tua hun a kipan whiskey ciam ngei nawnlo hi; tua bang lunggulhna nei nawn lo hi. Khazih ading nungta a, lampi ah a pai kawikawi, mun khempeuh ah, Pasian’ minthanna teci pang kawmin, mawhneite leh zudawnte tungah, mi nam kim tungah leh nakhempeuh, Chicago tungtawnin, Topa ading bangkhat sem uh hi.

³³⁶ Tua nu pen Topa Zeisu um in kituiphum a, a nu zong tu nitak hong pai hi; Pasian in amah a dam sak hileh, Zeisu in amah dam sak thei hileh. . . “Kammal tawh ahi a gamtatna tawh ahi zongin na hih bangbang, Min. . .” [Mipite in, “Zaisu Khazih.”—Ed.] Tua pen LST in hong gen thu hi. Tua hi.

³³⁷ Hoih ei, tun tuiphumna hun zong om ding hi. Hun lak nadingin a kigin hun sungteng, minute tawmno sung i meite mit sak pak ding hi hang, tua ciangin—tua ciangin Topa sungah hun hoih ngah ding i lamen ding hi.

³³⁸ Tu nitak tuiphumna hun dingin na om ding uh hiam? Hoih ei, na kiging lecin hoih ding hi. Tua ciangin, i kipan ding a, i kibawl hun sung late kong makaih ding hi. Amau a bawl hun sungin. . . [Siapa Neville in, “A nung lamah puan khatpeuh a om hia, Doc?”—Ed.] Tuiphumna puante, Doc, manlang in. Hoih ei.

³³⁹ Hih late pan khat sa ni. . . [Aw khumna kician lo—Ed.]

³⁴⁰ Tua i hih dong, i nusiati kawmin, bang i hih kul hiam?


Zeisu Min na la in,
Zeisu khe-ah i bok ding,

Vantung kumpite' Kumpi, Amah i khu sak
ding,
I khualzinna hong kicin ciangin.

Hoih ei, i khe in dingto ni.

Zeisu Min na kem tawntung in,
Dahna gimna tate aw;
Hehnem nuamna hong pia dingin,

³⁴¹ I hih ding kong gen ding hi. Kihei inla khatlekhat khut kilen
ni, tua ciangin, "Sanggam aw, bangci na hiam? Hiah nang tawh
ka omkhop nuam ing."

Min manpha, ngaih mahmah!
. . . Vantung ah lungdam nuamna;
Min manpha, (Min Manpha!) O . . . 

58-0928E Gulpi' Khaici
Branham Biakbuk
Jeffersonville, Indiana USA

TEDIM CHIN

©2026 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Aituam neih Theih sakna

All rights reserved. Hih laibu pen mimal aa ding ahihkeh hawmkhiat ding, Zeisu Khazih Lungdamna Thu kizel nadingin a mawkna in kipei khia thei hi. Ahizongin zuakkik ding ahi a, website tungah koih ding ahi a, kampau tuamtuam tawh teikhiatna ahi zongin, sum bawl nading ahi zongin Pasion Awkhumna Kipawlna pan phalna om lopi-in kuamah in bawlkhia lo ding hi.

Theih behnop akl. ngah beh nop a om khak leh, hehpihna tawh hong ho un:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org